


U BUKÉTI PA SŪMBI

 Bo uswe tukāli ukwinamisya imitu gyitu ku lwiputo, une ngulonda ukubala gamo mwa Lisyu Iya Kyala. Une akabalilo kosa nīganīle ukubala i Lisyu Lyake; panongwa yakuti amasyu gangu gisakutoligwa, agēne ga mūndu, loli i Lisyu Lyake likabagīla ukutoligwa. Kangi kwa umwe mwe mukukyunga utusīmbe, na fyōsa bo ifyo, unko uswe tubale ukufuma kwa Matai untu gwa 14, ikilo iki, ukwanda ni linandi Iya 22.

Kangi ukufuma pala Yeso ikufimbilisya abafundigwa bāke ukwitoga mu sitima, nukutala pankyeni pa mwene ukubuka ku lubafu ulungi, akabalilo kāko umwene ābalyaniāga ikilundilo.

Kangi akabalilo kāko umwene abalyēnie ikilundilo, umwene alinkubuka nkyāmba ukwakwīpūta: kangi akabalilo kāko...amayolo gālisīle, umwene āli pamwene.

Lōli i sitima yāli lilino pakati pa sūmbi, yikyuganisīgwa na mayiga: namanga umbelo gwalwāga.

Kangi mbukērēsyo bwa kina ubwa nkilo Yeso alinkubūka ku bēne, ikwenda pamwanya pa sūmbi.

Kangi akabalilo kāko a bafūndīgwa bālimbwēne umwene ikwenda pamwanya pa sūmbi, abēne balinkupāsya, bikuyoba, Ikyene kyo kisuyuka; kangi abēne balinkukūta panongwa ya lutende.

Lōli nukutalula Yeso alinkuyoba ku bēne, alinkuti, Yaga nu bukyēle ubununu; ikyene yo Une; komma ukupasya.

² Unko uswe twinamisye imitu gyitu lilino panongwa ya lwiputo. Bo imyitu ni ndumbula syītu syinamisigwe pankyeni pa Kyāla, ngimba kulipo ukufumbwa nkiyumba, ikilo iki, ukwakuti ugwe kulonda kumanyikigwa na Kyāla, ukwisila mu kyīnusya amaboko gīnu, nukukūmbukilīgwa mu lwīpūto? U Ntwa alikētāga pa umwe, ayēge ni kisa pa uswe.

³ Tata gwitu Gwakumwanya, uswe tukwisa lilino mu Kuyapo Kyako, mu njila na mu Ngamu ya Ntwa Yeso. Bo tumēnye, nululisimikisyo ulusayigwa, ukuti Umwēne ātufingīle uswe, Iinga uswe “tukusuma kilikyosa” mu Ngamu Yake, ukuti Ugwe ubagile ukutupaga ikyene kuli uswe. Uswe tukupālisya fiyo panongwa ya iki. Amasyu gikutoligwa ukulīngānia mūmo uswe tukwīpilikīla ukufwana ni kyēne, nu lulisimikīsyo ulu uswe tuli nalo, ukuti Ugwe kutupilikisya uswe itolo lilino.

⁴ Ugwe kugabona amaboko gala, Ntwa. Ugwe umēnye iki abēne bafumbilwe. Ugwe gwe Kyāla mmwanya-fyōsa, mwene-maka, nsitampaka, kangi uswe tumēnye Ugwe umēnye indumbula sya bāndu. Ugwe gwāmēnye aminogono gītu. Pópe bo uswe tukāli tukāpēligwémo siku, Ugwe gwāmēnye ilinogono lililyosa ili uswe twātigi tusayége nalyo, namanga Ugwe gwe nsitampaka.

⁵ Kangi uswe tukusuma, Ntwa, pa sala iyi, bo ifinyonywo fyitu fikufikila kwa Ugwe, kētésya pāsi ukufuma ku Mwanja, Ntwa, nukwega ifyākusúma fyitu ku ndumbula Yako Gwimene, Ntwa, nukutwāmúla uswe ukufwana nu bukābi Bwāko mu Lwīmíko. Tupaga uswe ikinyonywo kya ndumbula yitu, bo tukusúbila ukuti ikyene kyo bwigane Bwāko Bwākyāla. Kangi uswe tumenye ukuti ubwene bo bwíkyéle Bwāko ubununu ukubomba ubwigane Bwāko.

⁶ Tupaga uswe ukonenela-panja ukukulumba ukwa Kuyápo Kwāko, ikilo iki, kangi Ntwa. Bumbulusyaga ababíne. Pokága abayōnge, basyúsýaga bala aba bafwile mbutulwanóngwa ni ngilanio, nukubatlala abene ku Bumi ubupya, ikilo iki. Uswe tulinketa Yeso. Uswe tukusuma ikyene mu Ngamu Yake. Amení.

⁷ Umwe mulitugasya. Uswe tusulumenie ukuti uswe tukabagila ukwingisa abandu, panongwa ya buyo bwa bwitūgásye. Loli, ukufuma pa kilo kyākwānda, abene bikuti abene bāfimbilisigwága ukugómósya ifilundilo ifikulumba ifya bandu, popapo uswe tusulumenie fiyo panongwa ya ikyo. Kangi Ngundwe Grant itolo akāfikilépo ukuyéga ikyumba ikinine, pamo, uku. . . Une ngusúbila ikyene ko ku kililo kúko umwene isakugūtilága ikiyabo iki. Umpala, umpala nkundwe umwísyúgu ālindālúsísye une linga une nābagíle ukukitendeka iki kindu kyapakyinja kilikyōsa, ukugomokela ku Dallas, ku kipanga kyake. Ukukoleligwa ikukulumba bo uko, mu sala iyi, akabalilo kāko ififígo fikwigála nakalinga fiyo, kangi polelo u nnyāmbála yula ikulōnda une ukugomokela kangi nukukipela ikyene kindu kyapakyinja kilikyōsa, ubwínáke. Une ngupalisya ikyo.

⁸ Une nali nakabalilo ka bulilanisi na bene ulubunju ulu, na Nkundwe Gordon Lindsay na bingi ba bēne. Nkundwe Pearry Green, uyu yo nhombi gwa lukomano ulu lukwisa pasi ku Beaumont, itugesye kunyuma kwa une muno ikilo iki. Kangi bingi, abinítu, Nkundwe Don nu nkasi gwake. Uswe tuli basangalufu fiyo ukuya nabo abene apa. U Ntwa abasaye abēne.

⁹ Lilino, ikilo iki, itolo. . . Une nagelaga ukutendeka i Ndumi syāngu itolo ukuya mbepe mūmo isyēne syābagíle ukuya, ukuti yópe nu mwāna abagíle ukusipilikísya isyēne.

¹⁰ Kilabo pamusi lo lukomano lwa kusōka panja, kangi une nanyonywaga umwe āngáli mwesa ukwisa panja.

¹¹ Lilino linga umwe muli ni ngomano ku kipanga kyīnu mwibene, fiki, umwe—umwe syāla pápo umwe muli—kúko umwe

mubíkígwe. Uswe tutikulōnda nayumo ukukileka ikipanga kyābo, uku...Kangi polelo linga umwe muli babine kangi mukulonda ukwīsa ukwīputilígwa, kangi ikipanga kyīnu kikuyaga ni ngomano kilabo pamusi, yóba ku ntimi gwīnu ukufwana ni kyēne, ukuti umwēne atikwipīlīka mbubībi, umwe mumenye. Unko umwene amánye ukuti uswe tuli apa mbubombelo palikimo, uku—ukutula u Mbili gosa gwa Yeso Kristi ugu gukuyata kuno mu Dallas nukusyungutula.

¹² Popāpo, kilabo pamūsi, une ngwinogona, pa sala yabubili-na-sinda, une nguyaga pakuyoba i Ndumi yalusasánio. Kangi polelo uswe tukwiputilaga abandu ababine, ukupimba amakadi ga lwiputo gosa ni findu ifi filekelesígwe ukukinda mu ndungu, nukufīpūtīla fyosa fya ifyēne kilabo.

¹³ Lilino ikimanyisyo kyangu ikilo iki kili bo itolo akakino akanini, itolo pa tubalilo tuníni. Kangi une ngugelaga ukubikámo ifingipo ikilo iki mumo une mbagile, pa kwiputula ababine. Untu gwangu go, “komma ukutula, ikyene yo Une,” Yeso ikuyoba. Ikimanyisyo kyangu kyo: *U Bukéti Pa Sūmbi*.

¹⁴ Ukwene kwābagīle ukuti kwāli kwīlāno namayolo, ilisuba lyābagīle ukuti līngilága pāsi akabalilo kāko iki kyābonīke pa buyo, kangi lilino lyabagile ukuya lisiku ilipyano bo mūmo ikyene kiyīlīle nkati mūno.

¹⁵ Ilikina lyakutalalisya lifwīle, kangi abene bikutendekesya iliyene. Iyo yo nongwa une nsanwisye ikimanyisyo kyangu ukufuma panja pala, iki une nāyága pakuyobapo, ukuti une mbagile ukubopela ni kyene, ukuti umwe mulingitūgasyága mbupyano bo mūno.

¹⁶ U ndobanswi unkulumba uyu, ukufuma pa kukibona iki umwene akindilemo mwi siku lilla, anketesyaga Yeso mbutumigwe Bwake abukulumba.

¹⁷ Une āngáli nīkyelīle ukuya nu būmi mu lisiku lila, ukunkonga Umwene. Loli, umwe mumenye, une nhobwike une ngāli ndinulusako ulwa kubomba ikindu kilakila, ukunkētésya Umwene ikubōmba ifindu. Kangi ikyēne kyo kikulumba ukukindapo ukunkētésya Umwene umwīsyúgu ukukinda mūmo ukwene kwāyīlīle lūla. Une ndinalo u lwītiko lwīngipo mwa Umwēne lilino, kangi mbagīle ukuya nu lwītiko ukukinda mūmo une nābagīle ukuyīla akabalilo kala, panongwa yakuti uswe twāli nafyo ifyinja maelifu mabili ukusisimikisya ukuti i Nongwainunu yo yakutalusya. Kangi ukufuma ifyinja maelifu mabili, Umwene akāli mumi, ukubomba itolo mūmo Umwene ābombīle akabalilo kala, popāpo uswe tuli nu busisimikisyo ubukulumbapo kangī ulwālo ulunywamupo ulwa lwītiko ukukinda mūmo abēne bāli nalo akabalilo kala.

¹⁸ Panongwa yakuti, Umwene ali itolo Nnyambala ikusyungutula nukwīyobela ukuti—ukuti Umwene ātumigwe ukufuma kwa Kyala kangī āli Mwanundumiana gwa Kyala,

kangi ukuti Kyāla āsisimikisyaga i Lisyu Lyāke ilifingigwe ilya lisiku lila, nu Mwēne, kangi abēne pabumo bāli ni nongwa yimo ukukilamwa ikyēne. Abafūndakyāla, abēne bāli! Kangi umwe kētésya ikyēne kyāli kindu kipelakisa, ikyēne kyāli naloliloli kipelakisa, panongwa yakuti abafūndakyāla bala āngāli bīfike Kila linga Kyāla akākupilile amaso gābo. Ili Bāngēli līyāyobīle lūlo.

¹⁹ Kangi ngimba umwe mumenye Umwēne āfingile ukuti Umwene ikugogāga amaso gabo kangi umwisyugu, ukuti abene bikutoligwāga ukuketa ikyene? Abene bikuyaga “bantu, bamahala, bagana busangaluke ukukinda ukuya bagana Kyala, basitakusūbiligwa, abinogoneli babusyobi, bamatāta, bamahelu pa aba banunu; ukuya nu bubonekelo bwa bunyakyāla, lōli bikukānāga a Maka galimmūmo.” Itolo u lufingo lugomokile kuno kāngi. Kangi ugwe ukabagila kifuki lōli itolo ukubapelelela i kisa abandu, kangi amaso gābo gakupililigwe mpaka umwīsyūgu. Na Masimbo ukuti Kyala āfingile ukuti sisakubonekaga lululu mu lisiku ili, mu sala iyi, kangi uswe tukukēta kulakula ku kyēne nukukētésya ikyēne. Kangi polelo abāndu bikukēta, nukusugania imitu gyābo nukusōkāpo, nukuti, “Une ndikukibona ikyene.” Ikyēne kyo kindu kipelakisa, lōli pōpe a Masimbo gikufimbilisigwa ukufwanikisigwa. Ikyene kibagile ukuya njila yila.

²⁰ Polelo aba bafundigwa bāsāligwe na Kyala. Ngimba umwe muketesisye, Yeso ababūlile abene, “Bo ulwālo lwa kīsu lukālīgwa,” Umwene ābasalīle abēne, kangi abēne bāli luyungu ulusūnguligwe lwa Kyāla. Iyo yo nongwa akabalilo kāko ulutamio lukwīsapo, kangi abāndu bāfwanāga ngati bālimbīkīle Yeso mu nguto, pa lilālūsyo, likālipo nililālūsyo limolyene ku bēne. Abēne balinkutōligwa ukukipilikisya ikyēne, lōli abēne bāsisimikisye ukusitakumanya ikindu nakimo ikingi lōli Umwene. “Ugwe gwimwene uli ni Lisyu lya Būmi.” Kangi abēne bāsisimikisye ukusyāla ni Lyēne, panongwa yakuti abēne bāsūnguligwe ku bubombela-mbombo bula.

²¹ Kangi momūmo kiyīlile ikyēne umwīsyūgu, ukuti abanyāmbāla na bakīkūlu, aba basunguligwe ku Būmi bwa Syēpwa, bikwīsāga ku Būmi bwa Syēpwa. “Bosa aba Tāta ambele Une bisakwīsāga kwa Une.” Ilyo lyo Lisyu Lyake, kangi likabagila ukutoligwa. Ilyene—ilyene lyo Lisyu lya Kyala.

²² Kangi uswe tukukēta abafūndigwa aba lilino, ukuti bāli nu lukomano ulukulumba ilisiku lila, panja pa ngunda unkulumba mula pa lubafu lwa kyāmba. Kangi Yeso ababūlile abēne, “Lilino umwe talāga ukukilania inyanja, nkyeni mwa Une.” Kangi Umwene ābukāga mmwanya nkyāmba, pamwene, ku lwīpūto. Kangi abafūndigwa aba, ukufuma ukwāgāna na bīnābo, une mbagile itolo ukwinogonela mūmo abēne bīpilikilāga.

23 Panongwa yakuti, ukwāgāna na bīnābo, kangi polelo ukufimbilisigwa ukulekana na bīnābo; itolo kifuki akabalilo kāko ugwe kwanda ukwisibilana, polelo ugwe kufimbilisigwa ukulagana. Kangi uko ko akabalilo kōsa ko kāli luko lwa kubabandumbula kwa une, ukukilania nkīsu, ukusyungutila nkīsu kyapāsi, kwāli ukwāgāna na bīnāngu kangi polelo ukubaleka abēne, umenye ukuti balipo bīngi aba ugwe utisakubonaga kāngi mpaka ugwe kwaganaga na bēne ku Bulongi. Ikyēne kyo kya luko lwa kindu kisulumanisye.

24 Une mbagile ukwinogonela u bwāto, ni—ni kyēni kya ubwēne bugutigwe nkiloboko. Kangi abagile ukuya yo Simoni Peteri, ni ngongi syāke isyamaka ni fibega, uyu āgutīle ubwāto ukusyungutila nukugutalusila nkati mwa sūmbi. Kangi abēne bosa bikuyigisya amaboko ukulagana ku bāla pa kiloboko. Kangi abēne balinkuywega, “Mwise kangi kuno kangi ntwala u Fundi kuno ukutukēta uswe! Kangi mwise ukuya nulusasano ulungi; uswe tusayigwe fiyo umwisyugu!” Kangi abīnābo abapya bikuyigisya amaboko. Kangi umwene alinkufyuka pamwanya pa bafūndīga bōsa, nukwitugasya lumo pa lubafu lwa nnuguna gwāke, Andrea, nukupimba mmwanya ingafi.

25 I—i sitima akabalilo kala syafigigwāga pamo nu mbelo pamo ni ngafi isi abēne bākwabāga. Kangi polelo lumo abēne bītūgasyāga babīli mu bwāto, babīli pa lubafu lumo, kangi abēne bābagīle. . . . pamo babīle nkikota kimokyene, ndigi, lumo fihano-na-kimo pamo ifikolekelo fyāngāfi lwele. Abēne bākwabāga nkabalilo kamokene, kangi mu njila yila abēne bābagīle ukutoteka imbulo yāke akabalilo aka u mbelo gwapūtāga. Polelo, imibelo ukupūta lulwabwila, abēne bābagīle ukufyusya mmwanya imwenda gwambelo, nukwenda nkyeni pa misi.

26 Kwabagīle ukuya pamusi apapyano, ukufuma ku bubonekelo bwa Lisimbo itolo bo lukomona ulu lukāli, kangi popāpo ukwene kwābagīle ukuya naloli pamusi apākimyemye, pālisuba, papyano. Ilisuba lingilaga. Kangi abēne, bo abēne bikufīga ingafi, kangi polelo ukwabula ingoye syosa nukuyigīsyā amaboko pakulagana ba bāndu, “Tukusūbīla ukwagana na umwe kangi akabalilo kamo,” bo abēne bikubuka panja mwa sūmbi. Kangi ikwingila kwa lisuba, kangi amayolo kwilile, kangi polelo ukufuma pa kabalilo i—i ngīsi yilinkwīngila mula.

27 Kangi abēne bābagīle ukuti bāfikīlepo ukuya nu bwēngo ubununu ubwa—ubwe kufīga, kangi iyo yo mbombo ngafu akabalilo kāko ingafi sila sikwiyubika nkati mwa sūmbi. Kangi kifuki bōsa ba abēne bāli—bāli baloba’nswi, kangi banyāmbāla abamaka abakulumba, bīsibīle kwa sūmbi yula. Kangi popāpo bo abēne bāgulilāga Yeso ukwīngīla mu bwāto nukubakōnga abēne nkyeni, nakalinga lululu. Fiki, abēne balinkwisa panja pala, kangi abēne bābagīle ukwelēla itolo pakayabo akanini; mu luko lwa kwega i sitima yāko ukwandako, kangi polelo ukuyileka.

²⁸ Lumo u nkeke Yohani abagile ukuya gwakwanda ukuyobapo, panongwa yakuti umwene ali yo nkeke pa bosa pakibugutila. Kangi icyene kyabagile ukuya umwene uyu ayobile, “Une ngufika itolo ukuya ngatele panini. Unko uswe twelelege pa kayabo akanini. Gũlila i miniti, uswe tutikufimbilisigwa ukubopela. Umwene akali akisa muno tasi, polelo uswe kifwene nukuti tugulile pakabalilo kanini kangi mu luko lwa kyegapo ubutuyo ubununu bwa mbepo.”

²⁹ Kangi bo umwene alitugese pala nuntu gwake pasi panini itolo, umwene abagile ukwanda u lukomano lwa buketi. Kangi ikyo iki une ngulonda ukuyobapo. Ikyene kyabagile ukuya umwene uyu asumwike mmwanya tasi, kangi alinkuti, “Bakundwe, kali abandu bikuyoba fiki, kangi filinga ifi aligwesa ikulonda ukusita-kwitika, une naloliloli nsisimikisye lilino, ukufuma mwisyugu, ukuti uswe tutikukonga unyobi. Uswe tukukongesya nakimo ikinandipo ukuyakusyalapo pa Kyala, kabuno nu mundu nayumo abagile ukubomba iki Umwene abombile umwisyugu pene papo ikyene ali Kyala. Umwe mumenye, akabalilo kako Umwene alyegile ifisyesye fila nukutumula ifyene, nukulyesya maelifu mahano pala, kila kyo kindu ikiswigisye ukukinda kwa une. Pala kwabagile ukuyapo ililalusyo mpaka lilino,” lilino une itolo ngwandisya u buketi bwake mumo ubwene bwayile, “loli ikyo kikumasya icyene.”

³⁰ Alinkuti, “Une mbagile ukukumbukila ifyinja ifi fikindilepo. Une nalisibile ukwitugasya pasi kifuki ku Yorodani. Kangi une mbagile ukukumbukila, ukuya ndumiana unnini, mumo ummogi, u mama gwangu gwa kiYuda ambimbaga une mmwanya, ku namayolo, nukunyikasya une pa malundi nukungusa une, panja pa mbenu, akabalilo kako ubulenge kwasokaga mula mulubafu lwa filoboko fya Yorodani. Kangi umwene alisibile ukuketa ukukilania ukwingilila ku lulangalanga, ukufuma kuko abandu bitu basosigwe ukukinda u lulangalanga ulu. Umwene alisibile ukumbula une utupanga twa mu li Bangéle. Kamo mwa tupango utukulumba utu une ngukumbukila, kali ka nkikulu gwa Sunemu kangi akabalilo kako undumiana gwake unnini afwile, kangi—kangi u nsololi alinsyusisye undumiana unnini uyu kangi ukufuma ku bafwe. Kala kali kapango akasangaluse fiyo.

³¹ “Loli kamo mwa tupango utusangulusye, kangi mambo alisibile ukumbula une, umwene atigi, ‘Lilino, Yohani, ugwe itolo gwe ndumiana nnini; loli une ngulonda ugwe ukukumbukila, linga ugwe kukula kuya nkusi, ukuti, u nkulumba Yehova abatwele abandu bitu ukufyuka ukufuma ku Igupto, kangi uswe twalisile ukwisila mu lulangalanga ukukilania ikisoko kila. Kangi bosa ku fyinja malongo mana, abene balyendile mu lulangalanga lula, bukaliko nu buyo nabumo bwakugyaga imyenda, nabumo nu buyo bwa kulila. Kangi Kyala agwisiyaga pasi ukufuma ku mwanya,

ikilo kilikyosa, nukubalyésya abāndu bītu mu lulangalanga lūla, panongwa yakuti abene bali mu lukindi lwa mbombo, ukunkōngesya Yehova unkulumba. Kangi lilino, ilisiku limo, Yehova isakupeligwāga mbili apa pa kīsu, mbubonekelo bwa Nnyāmbāla, Umwene isakukoleligwāga umoneleligwe Yula, u Mesiya.’

³² “Kangi une ngukumbuka,” umwene āyobāga, “ukuya ndumiana unnini, mūmo fikuti ilinogono lyāngu lya ndumiana unnini lyālisibīle ukwinogonela, ukugela ukwinogonela, ‘Ngimba u Kyāla abalyēsisey bulebule bōsa bala, abāndu maelifu-elifu mabili na sinda, ndulangalanga? Ngimba alimwagile kugu Umwene unkati gōsa gula?” Kangi une nālisibīle ukundālusya māma, ‘Māma, ngimba Umwene, ngimba—ngimba Yehova ali nafyo ifibugutila fya fyākupiyīla pamwanya pala mmwanya, kangi Umwene āpiyāga unkati gōsa, nukubomba mpaka pakilo nukugubīka ugwene panja pamwanya pa—pa pāsi, panongwa ya bāndu, kangi imyanya iminywamu igya Kyāla gīswīle ni fyākupiyīla?’ Umwene ālisibīle ukuyoba, ‘Umma, mwanundumiana, ugwe uli nkeke fiyo ukabagīla ukupilikisya. Uketife, Yehova yo Mpeli. Umwene atikulondigwa mma ifyakupiyīla. Umwene itolo ikuyoba, kangi Ilisyu Lyake lisisimikisye akabalilo kako Umwene ikuyoba. Umwene yo Yehova unkulumba, kangi Umwene alinkukiyoba ikyene itolo. Kangi a Bāndūmi balinkuyabania ugwene pāsi pa mfu, ku bāndu.

³³ “Kangi umwisyugu, akabalilo kako une ngetege Mwene, ngimba umwe muketesisye akabonekelo pa kisyo Kyake? Pala kukālipo nu kwīlāmwa mu linogono Lyāke. Une nāfyūkīle pamwanya kunyuma kwa libwe, nukunkētésya Umwene bo Umwene egaga u nkati gula nukubūguyūla ugwene, nukugubīka ugwēne kula ku...Ababombi Bāke, uswe, ukuyabanisania ugwene ku bāndu. Kangi polelo akabalilo kākō Umwēne āfikilāga ukubūguyūla kāngi, unkati gula gwālipyānikisye kangi. Kangi Umwene ābombīle ikyo ka mia kingikingi, mpaka aligwesa ālikwīte, kangi fyālipo ifilundu, fiswīle, fibūnganisīgwe. Une mmenye yula akabagīle ukuya nsitakusyalapa pa Yehova, panongwa yakuti Umwene ābombelāga bo yu Yehova ābōmbīle. Mwene yu Yehova abagīle ukupela. Kangi une mmenye ukuti u Nnyāmbāla yula akaya nsyōbi mma. Alipo u Mpeli yumoywene ntiga, kangi yula yo Yehova. Kangi lilino, pa fyōsa ifindu ifi une mfibwene, kila kyalinyīkutisye une.

³⁴ “Une ngulonda umwen ukumanya lilino ukuti i ndumbula yāngu yo yilāmbikīgwe yōsa, kangu une ngwitika mōsa ukuti Umwene yo akaya nsololi itolo mma. Umwene yo nsololi, lōli Umwene yo ukukinda nsololi. Umwene akaya nakimo ikyakusyalapo pa Yehova Kyala ikwitugāsya pakati pa uswe, panongwa Umwene āpelīle unkati, kangi Umwene āli na

kabombelo ka Kyāla. Yo nongwa Umwene ābagīle ukuyoba, ‘Linga une ndikubomba imbombo sya Tāta Gwāngu, polelo mungitikaga Une umwe umma; loli linga une ngubomba imbombo sya Tāta Gwāngu, kangi umwe mukabagila ukunyitika Une, itika imbombo, namanga isyēne sikubīkīla ubukēti isya Une kangi sikulīngānia Uyu Une n’di.’ Kwabonekaga ngati abāndu bābagīle ukukibona ikyo, nubupepe.”

³⁵ Kangi Yohani ālikutisīgwe ukuti Umwene āli yo Mesiya, Yūla uyu Yesaya āyobīle, “Kwa uswe Mwana apapigwe, kangi i Ngamu Yake isakukoleligwaga Mfundi, Mwanawamwalafyale gwa Lutengano, Kyala Gwamaka, Tata Gwabwilanabwila.” Kangi Yohani ālikutisīgwe panongwa ya iki umwene ākētīle. U mwinitu unkeke ikupa ubukēti bwāke.

³⁶ Ukufwana akabalilo kala, Simoni Peteri āyobīle, “Ena, lilino, itolo i miniti. Linga uswe tukuyaga nu lukomano lwa bukēti, une ngulonda ukuya nako akandukamo ukuyobapo. Umwe mumenye, une nālōndesyāga ubusōbi pa kindu kyōsa kila, akabalilo kāko u Andrew unnuguna gwāngu, uyu ābukilēmo ku lusasano lwa Yohani u nsololi, uyu ābīkīle ubukēti ukuti u Mesiya ikwisa kangi umwene isakunsōsōla Umwene. Kangi une nāli panini gwakulonda-ubusōbi ubwa iki Andrew ayaga pakumbula une, panongwa yakuti une mbilike u luko lōsa ulwa tupango twa Mesiya na filifyōsa ifingi.

³⁷ “Lōli umwe mwesa bakundwe mukukumbukila u tāta gwāngu unkangale. Ingamu yāke āli Yonasi. Kangi umwe mukukumbukila umwene, isya mūmo fikuti umwene āli fiyo mwitiki gwanaloliloli. Mūmo une ngukumbukila māma na tāta, na twesa ba uswe, panongwa yakuti uswe twālobag’iswi ukuyi bwitūgāsye bwītu, kangi uswe tukākolāga niswi nasimo; uswe twāfumbwāga u nkati, kangi mūmo fikuti uswe twafugamaga pa kipālo nukwīpūta kwa Kyāla, ‘Tupāpo uswe ukukōla iswi umwīsyūgu, Kyāla, ukuti uswe tubagīle ukulīsyā iswi syītu, nukuhomba ifyakumeleligwa fyītu, ukuya ni kyākulya ukulya.’ Kangi mūmo uswe twābūkilāga panja mwa sūmbi, mu mbēlo, nukuya bakifu uku—ukwagana ni mibelo gila.

³⁸ “Kangi tāta, une mbagīle ukukēta imbuha syāke sikwēléla pāsi ku nyuma yāke, ilisiku limo bo umwene itugesye pa lubafu lwa bwāto nukuyoba kwa uswe, ikuti, ‘Simoni, ugwe gwe mwanundumiana unkulumba. Ugwe umenye, une akabalilo kōsa nītike, Simoni, ukuti une nābagīle ukunkēta Mesiya. Abāndu bītu bandondesīsyā Umwene ukufuma mu Edeni. Kangi uswe tusisimikīsyē ukuti Umwene ikwisa, kali ikylene kikuta kitali bulebule. Ikyo kyāli ifyinja amaelifu mana ifi fikindilepo, ugwe kuyoba. Loli une ngwitika ukuti Mesiya ikwisāga. Kangi unJuda aligwesa itīke ukuti umwēne ikumbonāga u Mesiya mu ngulilo yāke. Une ngusūbīla ukumbona Umwene mu ngulilo yāngu. Lōli ikyēne kikuboneka ngati, une ngufikapo ukuya nkāngāle lilino, une ngufimbilisigwa ukwīmīka u sūmbi, kangi nguya

ni fyākwīpilika nu bubābe, une lumu ndikwīsa kumbonamo Umwene nkabalilo kāngu. Lōli lumu ugwe kwisakumbona, mwanangu.

³⁹ “Polelo une ngulonda akukumanyisya ugwe m’Māsímbo. Mwanangu, bo u Mesiya akāli ukuboneka pa buyo, pisakuyapo u luko lōsa ulwa findu fikubōmbígwa, u lúko lōsa lwa findu ifisyobi, panongwa yakuti Sétáno isakubombága ikyo, ukōnánga uluhaho lwa Mesiya ugwanalolili akabalilo kāko Umwene ikwīsa.” Ikyene kyo akabalilo kōsa kyāli mu njila yila; nalino kili lūlo.

⁴⁰ Kangi polelo uswe tukwaga, umwene alinkuti, “Une ngukumbuka umwene ukubīka ulukōngi lwāke ukusyungutula une, alinkuti, ‘Mwanangu, yilipo injila yimoyene iyi ugwe kwisakundingania u Mesiya yula. Lilino uswe twafuma pakuya ni fyinja mia yuma kisita nsolōli. Malaki āli nsolōli gwābumalikisyo. Ikyo kifumile ukuya ifyinja ba mia bana ifi fikindilepo, uswe tukāli nágwe nayumo u nsolōli. Loli kumbukilaga, Mōse ātubūlīle uswe, mu Māsímbo, ukuti, akabalilo kako Mesiya ikwisa, Umwene abagile ukuyaga nsololi, akabalilo kāko Umwene āfyūkīle pa buyo. Uswe twe baYuda tumanyisigwe ukwitika u nsolōli. Kangi injila ya Mesiya pa kisu yo Lisyu iliyobígwe lya Kyāla, ili Umwene afingīle kwa uswe. Kangi i Lisyu akabalilo kōsa likwīsa kwa nsolōli, kangi u nsolōli ikusisimikisya i Lisyu lila. Komma ugwe siku ukwibwāmo ikyo, mwanangu! Lumo pabagile ukuyabpo ifindu ifikulumba ukufyūka, lumo pabagile ukuyapo ifyākunyenyemusya fikulumba kangi—kangi ifindu ifikulumba. Loli kumbukilaga, u Mesiya isakuyaga nsōlōli, panongwa yakuti uswe tumenye ukuti Kyala atikwandulamo siku injila Yāke, kangi Umwene āyobīle ukuti Mesiya isakuyaga nsōlōli. Popāpo kumbukilāga, mwanangu, abasolōli bo bala aba bikuya ni Lisyu lya Ntwa. Kangi akabalilo kako Mesiya ikwisa, Umwene isakuyaga nsōlōli.

⁴¹ “Une ngāli mbagile ukwīpilika ulukōngi lwāke,” alinkuyoba Simoni, “bo umwene ikubīka ulwene ukusyungutūla une. Kangi Andrea ālīmīle pala ikusuka ulwēlo, pa kabalilo kāla. Ugwe kukumbukila ikyēne, Andrea?”

“Ena, Simoni, une—une ngukumbukila ikyene.”

⁴² “Kangi Andrea ikugela ukumbula une ukuti u Yohani uyu āli nsōlōli. Une nāli ni findu ifingi ifyakubōmba, nāfimbilisigwāga ukūlisya iswi ni findu. Popāpo tāta afwīle ku fyinja, lōli une akabalilo kōsa nkikyūngīle kila pa linogonelo lyāngu; bāba alinkuti, ‘U Mesiya uyu isakuyaga nsōlōli undinganisigwe naMasimbo, kangi komma ukwibwa ikyēne, panongwa yakuti iliyene lyo Lisyu iliyobígwe lya Kyala. Kangi i Lisyu lila lyo kingingi akabalilo kōsa lisile ku basolōli; aba bākingenie ikyēne, pamo bānāngisye iki kyāfingilígwe ku ngulilo yila.’”

⁴³ Kangi lilino Simoni, “Ilisiku limo,” alinkuti, umwene alinkuti, “ugwe umenye, Andrea alinsũmĩle une ukubũka ku lukomano lumo. Kangi une n̄sulwĩke p̄asi kula ku lukomano kũko u Mwinitu uyu, Yeso, āli. Kangi une n̄pilĩke u luko l̄osa lwa ndetesi. Ālipo yumo u Yeso ātupwĩke, bo Umwene akāli, uyu āfĩngĩle ukuya ikindikimo ikikulumba kimo, alinkubalōngolēla abāndu bamia bana kangi abēne b̄osa balinkupyūtĩgwa, na fyōsa bo ifyo. Une ninogonāga ikyēne kyāli itolo ikingi kimo kya ifyēne ifya luko lula, nu luko lumo lwa lunyenyemušo ulukulumba ulwa luyigo lumo, l̄oli ikipanga-kipāgũke ikikulumba kimo abēne bayaga pakutendeka. Loli ilisiku limo une ndikwinogona ukuti une mbuke panja na Andrea apa, unnuguna gwangu.”

⁴⁴ Kangi une mbagĩle ukwinogonela, kifuki akabalilo k̄ala, ubwāto bulinkwānda ukuyuganisĩgwa. Yumo alinkwanda ukulata, kangi umwene alinkuti, “Itugasya p̄asi! Komma ukuyũgania ubwāto. Gũlĩla i miniti. Itũgāsya kimyemye.”

⁴⁵ Kangi umwene alinkuti, “Umwe mumenye, akabalilo kako une n̄bukile kula nukusegelēla nkisyo kya Mwene, akabalilo k̄kwānda, Umwene alinkukēta itolo kwa une nkisige nukumbũla une iyi ingamu yāngu yāli. Umwēne akālimbwenemo une siku pabutasi. Umwēne akālimmēnye itolo mma, l̄oli Umwēne ālimēnye utāta gwāngu unnyakyāla unkāngāle yula, uyu ālimmanyĩsye une m’Māsĩmbo. Kangi une n̄mēnye ukuti Yula āli Mesiya. Kila kyamasĩsye ikyēne kuli une, palapala pala. Kila kyāli. Kila kyātendĩke ikyēne ukuya kanunu, kwa une.”

⁴⁶ Ābagĩle ukuya Filipu alinkuti, “Ngimba une mbagile ukuyobapo ilisyu apa?” Lilino umwene alinkuti, “Nkundwe Natanielu, unko iki kingakufulasyaga ugwe; panongwa yakuti, uswe twāfundĩle ifinienga ku fyinja ni fyinja, iki Mesiya ikuyaga. L̄oli akabali k̄ako une n̄alimbwēne Umwene ikubōmba kila, une ndikunyamuka nukumwega umwinangu apa, Nataniele. Kangi akabalilo k̄ako umwene ikwisa pala . . .”

Nataniele alinkuti, “Unko une mbabule ikylene. Unko une mbabule ikylene.”

⁴⁷ O, umwe mumenye, kilipo ikindikimo ikya kabalilo k̄ako Yeso abōmbĩle ikindikimo kuli ugwe, ugwe—ugwe itolo ukubagĩla kifuki ukwĩma kimyemye, ugwe kufimbilisĩgwa ukuyōba ikyēne, gwĩmwēne. Ngimba isyo ndalusye? Linga ikylene kyabwanaloli, ugwe kufimbilisĩgwa itolo ukuyoba ikylene. Akabalilo kako Umwene ālinyusĩsye nu Mbepo Mwikemo, une ngulonda ukuyoba isya ikylene. Une ngulonda umunduyumo ukumanya isya ikylene. Komma umunduyumo uyungi ayobege ikylene; une ngulonda ukuyoba ikylene, nimwene.

⁴⁸ Kangi une itolo ngwinogonela, Natanieli alinkuya na maka gōsa kangi alinkuti, “Umwe mumenye, une ngulōnda ukuyoba iki. Une n̄ali panini mwilāmwe gwa ugwe, Filipu, akabalilo k̄ako ugwe gwālimbũlĩle une. Une nakulālusisye

ugwe, ‘Ngimba kubagile ukusōkako kamo akanunu ukufuma ku Nazareti?’ Kangi ugwe gwālimbéle i lyāmúlo ilinunu ilikinde ili u mūndu alimo nalyo siku, ‘Gweisa usakēte.’” Kila kikubōmba kubununu umwīsyūgu. Uko ko kotalusya. Komma ukusyāla ku kāya nukulōndésya-busóbi. Gweisa, kyagania pa gwimwene, muketile. “Alinkuti, ‘Ngimba kubagile ukusōkako akanunu ukufuma ku Nazareti?’ Alinkuti, ‘Gweisa nukwīkētéla gwimwene.’ Kangi ugwe umenye iki ugwe umbūlile une.

⁴⁹ “Kangi akabalilo kako une nāsegelele mu Kuyapo Kwake, kangi Umwene ālimbulile une ukuti une nāli ‘u—u n’Hiburi, u mw’Israeli, kangi nāli nnyambala ugwanaloli-ndumbula,’ une nāmenye ikyo.

⁵⁰ “Lōli une nāswigāga, ‘Ngimba ikyene kikuyāga bulebule?’ Umwene ābonekāga ngati nnyāmbāla aligwesa. Une nāgūlilāga u Mesiya ukwīsa ukusuluka amasulukilo gagolidi ukufuma ku Mwanya, kulakula ku ntu gwa kipanga-kipāgūke iki, ku Yerusalemu, ukwenda panja nukuyōba, ‘Kaifa, Une mfikile.’ Lōli abēne bikusyāgānia, Umwene ikufumila ku Nazareti, ukufuma ku kikolo ikipīna; kangi naloliloli u luko lwa ngamu inditu kunyuma kwa Mwēne, ukuya ‘mwāna unsigwāna.’ Apa Umwēne ālīmīle, afwēle imyēnda igyaitolo, komma ngati mpūti pamo umunduyumo; itolo u nnyambala gwaitolo. Kangi une ndinkwinogona, akabalilo kako une ngwenda ukufyuka kula, ‘Ngimba kibagile ukuya bulebule Mesiya kila? Afwēle umwenda gumogwēne unkūlu, Umwene āfwēle ukufuma pāpo Umwene āli mwinitu nkeke, kangi apa afwēle umwenda gulagula; kangi Inywili Syake sikwikilila ukubuka ku nyuma Yake. Kangi bo nnyambala gwaitolo gwa lukindi.

⁵¹ “Kangi Umwene alinkungeta une nkisyo, kangi alinkuti, ‘Bo Filipu akāli nukukukolela ugwe akabalilo kako ugwe gwāli pasi pa mpiki, Une nākubwēne ugwe.’ Kila kyamasīsyē ikyēne kwa une. Une nāménye, ukwisila mu Lisyu, yula āli Mesiya. Yula āli yo Umwene.”

⁵² Kangi u bwāto bwābagile ukwīyugānia, kangi u lukomano lwa bukēti bwākindililāga. O, ko kabalilo kanunu kaki abēne bayaga nako, panja pa sūmbi pala, itolo ukuya na kabalilo akakulumba.

⁵³ Andrea alinkuti, “Une ngulōnda njobe ikindukimo iki mu luko kyālinyālangénie une pa kabalilo kanini. Ugwe kukumbukila akabalilo kākō uswe—uswe twasulukaga ukubuka ku Yeriko? Umwene alinkuti, ‘Uswe tukufimbilisigwa ukufyuka; Une mfumbilwe ukubuka kifuki na Samaria.’ Popāpo, Umwene alinkfyuka ukubuka ku Samaria kangi kula ku kāya ka Sychar, akabalilo kākō Umwēne ātutumīle twesa ukwakūla ifyākulya kula nkāya.”

⁵⁴ “O, ena, une kumbukilaga, kanunu!” Bosa ba abene, “Ena, ena!” Ubwāto itolo bulinkwīyugānia, aligwesa ali nu bukēte

ubuswigisye ukufuma pāpo ulusasanio lwāmalīke. Popāpo abēne bāyāga nu lukomano lwa bukēti ulu.

⁵⁵ Kangi umwene alinkuti, “Ena, kangi ugwe kukumbakila uswe tulinkwingilila pala, kangi, ku buswigo bwitu, uswe twālimbwēne u Fundi gwitu ikuyobesania nu ndogwe. ‘Uu-huu,’ uswe twālinogwīne, ‘ikyo kyo kibibi. Nkēta Umwene panja pala ikuyoba ku nkikūlu unkeke uyu. Kangi ātutumīle uswe ukusōsyāpo, kangi apa Umwēne ali panja apa nu nkikūlu u mfumuke-bubibi uyu itugēsye apa.’ Kumbukilāga, uswe twālimīle itolo kunyuma ndusingi, kangi uswe tulinkupilikisya ku buyobesania bwābo.

⁵⁶ “Kangi uswe twālimpilike Umwene ikuyoba ku mwene, ‘Nkikūlu, būka kammwēge undumego nukwisa kuno.’

⁵⁷ “Kangi uswe tulinkuti, ‘Ena, uswe twābagile ukuya basobi, lumu u nkikūlu itolo mbwanaloli āli mwēgi.’

⁵⁸ “Kangi umwene ālinkētīle Umwene ku kisyo kyāke, kangi alinkuti, ‘Nkulumba, une ngānāyo u ndume.’

⁵⁹ “Umwe mukukumbukila mūmo indumbula syitu syamalīke? ‘U Mesiya ukulumba uyu uswe twālimo nu lusūbilo, apa ākōlīgwe mbusyōbi, maso-na-maso, ’nongwa yakuti Umwe āyobīle, “būka kamwēge undemego,” kangi umwēne ābīkile ubukēti ukugomola ukuti umwēne akāli nayo undume mma. Lilino ikyēne kigomokīle nu moto ku Mwēne.’ Kumbukilaga mūmo twēsa twābonīke baswigisigwe, kangi umuyi gwasōkilēmo mwa uswe?”

“Ena, une ngukumbuka ikylene.”

⁶⁰ “Kangi polelo umwe mukukumbukila amasyu amakōnge? Umwene alinkuti, ‘Ugwe uyobīle u bwanaloli, panongwa yakuti ugwe gwāli nabo bahano, kangi uyu ugwe kwitugasya nagwe lilino akaya gwāko.’ O, umwe mukukumbukila u lukomano lwa bukēti kunyuma kwa lusingi? Mwe!” Muketile, ugwe ukagabile ukumbika Umwēne pa nguto. Umwene yo Kyāla. “O,” Simoni alinkuyoba, “ikyo itolo...” Andrea alinkuyoba, “Kila kyāmasisye ikyēne kwa une.”

⁶¹ Bartulumeo alinkuyoba, “Gūlīla, une ngulōnda ukubīkāpo ubukēti. Ngimba une mbagile ukubomba ikyēne, bakundwe?”

⁶² “O, ena, une ngusakikisya ugwe ubagile, uswe tuli na kabalilo kākingi. Umwēne akāli akisa mpaka na lino, popāpo uswe tukufigaga panini itolo. Kindililāga Bartulumeo, ugwe bīk’ubukēti.”

⁶³ “Ena, kimo mwa findu ifikulumba ukukinda kwa une, umwe mukukumbukila ulilumbu gwitu pāsi mu Yeriko, ingamu yāke Rebeka?”

“Ena.”

“Kangi undume endesyāga ubuyo bwakulīla pāsi pala.”

“Uu-huu.”

64 “Kangi—kangi umwene āli gwa biashara, kangi ingamu yāke āli Sakai.”

“Ena, ena, une ngunkumbuka umwene kanunu.”

65 “Umwe mukukumbuka, umwene āli—umwene āli yumo gwa bilumbu bitu. Umwēne ālitike pa Ntwa, kangi umwēne āli nu lutende ukuti Sakai ukukilekaga ikyene kinkinde kisita kwitikisya Yeso. Kangi, o, Sakai āli nnine nnunu fiyo gwa mpūti kula. Kangi popāpo umwēne iputāga ukuti ikindukimo kikubonekaga ukuti amaso gāke gikwīgukāga, kangi umwēne isakusyaganiaga ukuti uyu āli yo Fundi, iki kyāli kyo Lisyu lya Kyāla ilisisimikisigwe, lipēligwe mbili pakati pītu. Kangi uswe twāgelile ukumbula umwene. . . ukumbula umwene ukufwana na mūmo fikuti Yeso gwa Nazareti āmenye isyakubutītu sya ndumbula, ukunāngisya ukuti Umwene āli Kyāla, ‘nongwa yakuti i Lisyu likumanya inyinogono sya mu ndumbula.

66 “‘Butoyofu,’ umwene alinkuyoba, ‘Une ngwitika u mpūti. Iki u mpūti ikuyoba kyo kinunu kifwene kwa une.’ Panongwa yakuti umwēne ālingile ku fyōsa i—imbātiko sya nkāya kala, aba Kiwanis na filifyosa ifingi, umwe mumenye, popāpo umwene. . . luko lwa kikafu kuli umwene ukukileka ikyēne pāsi. Popāpo Rebeka ātusūmīle twesa uswe ukwīpūta—ukwīpūta. Kangi akabalilo kōsa uswe twafikaga pa kimanyisyo ukuti Umwēne āli nsōlōli, umwene āyobāga, ‘Butoyofu! U mpūti ikuti, “Umwene yo Belezebabu. Umwene ali yo mōhēsi. Umwene ikubomba ikyo na maka ga mōhēsi. Kangi Umwēne yo itolo mfunda-minogonombulosi. Iso syene silipo ku kyēne. Kikayapo nakimo ku kyēne.” Popāpo kikayako nakimo ikindu bo iki mulisiku ili; uswe tukāli nabo abasōlōli ku fyinja ba mia bingi. Kangi ngimba abagile bulebule u Miana yula, nukuya ni likadi lya bulilanisi mma, ābagile bulebule Umwēne ukuyamo siku nsōlōli? O, ni njila nayimo ukuti Umwene āli kindu bo ikyo!

67 “Loli, umwe mumenye, Rebekah alinkūmilīsyā ukukōlelēla, unkasi gwake, kangi ikwīpūta. Kangi ulubunju lumo akabalilo kako Yeso ikwisa nkāya, ena, polelo uswe tukusyāgānia ukuti, Rebeka ātubūlile uswe ukuti Sakai ābūkile panja ku—ku lukindi, ukunkēta Umwēne. Popāpo umwēne akītikāga mma ukuti Umwēne āli nsōlōli, popāpo umwene alinkuti, ‘Une itolo ngunkētesyāga kanunu Umwēne,’ mūmo umwene āyobīle kwa uswe kubulilo ilisiku ilingi akabalilo kāko uswe twālyāga. Popāpo umwene alinkufyuka mu mpiki gwa nkuyu, kangi alinkuti, ‘Ugwe umenye fiki, une ngwifisaga itolo nimwene pamwanya apa ukuti Umwene ikutologwaga ukumbona une. Une ne mūndu unnini, mulimosa, mpimba fiyo. Kangi une ngabagila ukumbona Umwene pāsi pala, nkilundilo, popāpo une itolo ngufyukaga mmwanya apa mu mpiki.’ Kangi umwene

alinkufika kũko isamba ibili—ibili syāganāga, kangi pala umwene alinkwitugasya, pa samba isi.”

⁶⁸ Apo po itolo buyo bunu ikwītūgāsya pāsi nukufunda ikylene mōsa. Apo po pāpo injila sibili sikwāgāna, iyako na ya Kyāla; ifundu syāko. Ikyo kyo kindu kinunu, ukwinogona ikylene mōsa.

⁶⁹ “Polelo umwene alinkuti, ‘Umwe mumenye iki, Umwene abagile ukuya nsololi. Umwēne abagile ukuya. Ikyēne kyabagile ukuya ukuti une nāli nsōbi. Popāpo une ngukubula fiki, une ngukētesyāga Umwēne; kangi Umwēne atisakummanya une. Popāpo une ngwegaga itolo amāni gōsa nukugakwābila agēne nkati bo uli, ukusyungutila une, kangi une ngwikingaga nimwene ukuti Umwene atisa nukumbōna une na panandi. Kangi une ngunkētēsya Umwene akabalilo kāko Umwene ikukīsānia. Kangi linga Umwene atikubōnéka bo uluko ulutālūsye ulwa mundu, une ngumpāga Umwene akayabo ka linogono lyāngu, bo nīkéle nkati muno nkipiki.’ Popāpo umwene alinkukētēsya, kangi āli ni lyāni ukuti umwene ābagile ukukupula mmwanya nukunkēta Umwēne akabalilo kāko Umwene ikwisa ukusyungutila i nguto.

⁷⁰ “Kangi akabalilo kāko Umwēne ikusyungutila pa nguto, ikwēnda ukusuluka ulukindi, umwe mumenye, ukukēta ukufuma ku lubafu lumo ukubūku ku lūngi, kangi abafūndígwa bikuyoba, ‘Ima kulubafu. Nswaga une.’ Kangi abāndu na bāna ababine ni findu. ‘Nswaga une, Fundi akatele fiyo; ulukomano ulukulumba lula ikilo ikyammayolo.’ Kangi, nubunyāmbāla, ‘Ngimba umwe twālamba ima palubafu nukummwitikisya Umwene akīnde, akabalilo kāko Umwene ikutendeka injila Yāke pāsi pa kāya, kangi ngimba muli imaga itolo palubafu twālamba?’ Kangi Sakai itūgēsye mmwanya apa mu mpiki, ikikukēta pāai ku Mwēne.

⁷¹ “Kangi Yeso ikwisa itolo ukutalula pāsi pa mpiki, ikwīma, ikukēta mmwanya kangi alinkuti, ‘Sakai, suluka pāsi ukufuma umo. Une ngubūka ku kāya na ugwe umwisyūgu, tukalyémo.’ Kila kyāmasīsye ikylene kwa une. Umwene āménye umwēne āli mmwanya mula, kangi āménye i ngamu yāke, iki umwēne āli. Kila kyāmasīsye ikyēne. Uyo yo Mesiya, kwa une. Ena, nkulumba. Panongwa yakuti, uswe tumenye Mesiya yula āyāga pakubōmbo ikyo. Naloliloli. Polelo Umwene āfimbilisigwāga ukubūka ku kāya nu mwēne, āyobīle, ilisiku lila panongwa ya kufyākula. Ko kabalilo akakulumba kaki akēne kāli! Uswe tukukumbukila akēne.”

⁷² Umwe mumenye, akēne kābagile ukuya kifuki akabalilo kāla, ulukomano lwa bukēti lwakindililāga. Umwe mumenye, abafūndígwa aba panja pala pa sūmbi, bikubīka ubukēti, ukwēne kwabagile ukuya mbutītu bwa kilo pabuyobumo, kumwanywa ku fisu fya kululu kula, ukuti Sētāno ābagile ukuti ālyēndīleko kula kumwanya kwa kāmba kangi ākētīle pāsi.

Umwene ākētīle mu lukomano lwa bukéti bula, kangī umwene āsyāgénie ukuti abēne bābūkīle panja kisita Umwēne. Pala lwālīpo u lusako lwāke.

⁷³ Muketile, une ngwinogona ukuti ububonekelo bula bo itolo bugomokīle kangī kifuki, bwīyāndīsye kāngi. Abēne bāli, mbunyenemusyo bwa luyigo, abēne bāsōkilēpo kisita Umwēne. Kangī une ngwitika ukuti ikyo kyo kingi kyo iki kibonīke kwa uswe umwīsyūgu, ukuti, mu sala iyi ya kwalangania, kangī ukufuma pa luyigo ulukulumba ulu lūlo uswe tukētīle. Ulwēne lupyāgīle ukusyungutīla i kīsu kyapāsi. Ikikolo kilikyōsa lwālī ni myoto gya luyigo gibūmbīgwe, kangī gīkwāka; ingomano sya bubumbulusyo ingulumba; abāndu ukwambilila Mbepo Mwikemo, na makalongo ga maelifu ukwandisya na maelifu. Kangī mbunyenemusye bwa ulwēne, ngati bala abafūndīgwa ukubīkīla ubukéti iki Umwene abōmbīle, “kangī, o, uswe tumbwēne Umwene ikubōmba *iki*, kangī uswe tumbwēne Umwene ikubomba *kila*,” une ngwitika uswe tusōkīle panja bo abēne, kisita Umwēne.

⁷⁴ Uswe tubūkīle panja pa sako inywamo ingulumba isi–isi uluyigo lupēle. Uswe tubūkīle panja pa sako isya kutendeka i hela nyingi, ifipanga, ukuyēnga imiyumba imikulumbapo, imikulumba iminywamu imibuyo gwamamiliyoni-ga-madola, amasukulu amakulumba, imbātīko syabumanyi, kangī ukutendeka ikipanga-kipāgūke kyītu kikule. Kangī polelo ukuya ni mbātīko sya kikomyunisti kyītu, ukulwana ni kikomyunisti, ikyo kyo kyōsa iki uswe tukuyobapo umwīsyūgu. Kangī ikindu kyākwānda umwe mumenye, Sétano atubwēne uswe pa mbātīko syītu isya kulwana-ni-kikomyunisti, pa mbātīko syītu inywamu isya fipanga-fipāgūke, kangī pa gwītu “miliyoni ukongelēlāpo,” na fyōsa bo ifyo, mūmo abēne bafīkilēpo.

⁷⁵ Kangī uswe tusōkīle panja kisita ingomano sya nyipūto isyakabalilo-kaiyolo nu lōsyo lwa Mbepo Mwikemo ukugomokela, mpaka u moto gwākīle pāsi. Ugwe ukabagīla ukukūta panja, nukugela ukubatwāla abāndu ku kīgemo, kangī abēne bikwēnda itolo mmwanya ngati abēne bāli kifuki bafwe, ikitiligwe ukwisa. Kangī ukusuma ababōmbi ukwisa ukwīpūta na bēne, “O, ngimba umwe ānsūmāga une panongwa ya fiki?” Kangī abēne bikufika pāsi pala, kangī ugwe ukabagīla nubukafu ukubāga abēne. Kangī abēne bisakwīma pala itolo pa maminiti manini, ukukukēta kwa ugwe, nukogomokela nukwākwitūgāsya mfikota fyābo. Kwa une, umoto gukindilemo! Ikindukimo kyabonike. Pilikisya! Iki uswe tufūmbīlwe lo luyigo, ulu abatulwanongwa, ukukēta pa Kristi, bikupīndūka, bikubōpēla ku kīgemo na maboko gābo mmwanya, ukukūtīla i kisa, kangī ikipanga kyōsa kyo lulāpi lwa moto, nu lwīmīko lwa Kyāla.

⁷⁶ Ulunyenemusyo lwitu panongwa ya lusako ukutendeka ifipanga-fipagúke fyitu fikúle, uswe tuyengile amasukulu amanywamupo ukumanyisya abalumbilili, nukubatuma abène kubutalipo ukufuma kwa Kyála ukukinda mūmo abène bāli ku bwandilo. Kyala atikumanyigwa munjila ya bumanyili mma. Umwene atikumanyigwa nu bufunda-kyála mma. Kyala yo amanyigwe nu lwitiko. Ugwe ukabagila ukulingania Kyala. Umwene yo nkinda kulinganisigwa.

⁷⁷ Kēta iki ikyēne kibōmbile, uswe bāndu ba kiPentekosti twe twāli ba kipentekosti. Abakikulu bitu batumwile inywili syābo, ukupakaka ifyakwiyandula. Abanyāmbála bitu bikwītikisya ikyēne. Abēne bikutīla ukuyōba ikindukimo isya ikyēne. Ikipanga kisakukagaga abēne panja linga abēne bikubōmba. O, linga uswe tutikulōndigwa ukupyāgīla kwa nnuyumba, ukufuma ku kigemo mpaka ku kipālo. Ikyēne kyo kikosya-soni. Ikyēne kyo kyākuywēlūla.

⁷⁸ U nnyāmbála yumo ikwisa kwa une, pakaya patali mma, nukuti, “Nkundwe Branham, abāndu bakuganile ugwe.” Lōli alinkuti, “Ugwe akabalilo kōsa kubakemela abēne pōsa, ukukēmela abakīkūlu bala, isya kuya ni nywīli imbimba ni findu bo ifyo.”

Une ndinkuti, “Ili Bāngēli lyāyobīle ikyēne kyāli kyākuywēlūla kuli umwene ukuya ni syēne.”

⁷⁹ Umwene ikuywēlūla undume gwāke akabalilo kāko umwēne ikubōmba ikyēne. Kangi ikyēne kyo naloliloli kimanyilo ukuti ugwe usōkilēko kwa Kyála. Kumbukilāga, mu nongwa ya Samsoni, inywīli indāli kyāli kimanyilo kya kiNaziri ukuti umwēne āsōkilēko ku kīsu, ukubūka ku Lisyu Iya Kyála. Kangi akabalilo kāko ugwe kutumulako inywīli syīnu, bakīkūlu, umwe mukupīka ikimanyilo kyīnu kya kiNaziri. Umwe mubūkile ku Hollywood mbuyo bwa kugomokēla ku i Bāngēli. Ili Bāngēli lyāyobīle, “Unko abēne bayega basita-kusēngigwa.” Muketile, ikyēne kyo soni, kangi ababōmbi batikuyobāpo nakimo isya ikyēne.

⁸⁰ Unnyāmbála uyu āyobīle kwa une, “Nongwa ya fiki ugwe utikubaleka abakīkūlu bala pabēne?” Alinkuti, “Abēne bikukwēga ugwe ukuya nsolōli.”

Une ndinkuti, “Une ngāyobilēmo siku ukuti une ndi nsololi.”

⁸¹ Alinkuti, “Abēne bikukwēga ugwe ngati ikyo. Bamanyisya abēne akāmbililo ka fikungilwa fyamwambepo nukubōmba ikindukimo. Ugwe ubagile ukubamanyisya abēne ifindu ifinywāmu, ifindu ifikulumba.”

⁸² Une ndinkuti, “Une ngubamanyisyaga bulebule abene i aljebra akabalilo kāko abēne batisa nukumanyila aba ABC bābo, akīkalilo mbwīfyūsi isya ikyēne? Ngima ugwe kubōmbelāga bulebule ikyēne? Ena, būka pāsi ku kīndu ikyākwarda.”

⁸³ Ikyinja ukufuma ku kyinja, ukukilania ikisu, kangi ikyene kikufika ukuya kinyalipo akabalilo kosa. Kilipo ikindukimo kitamisyeye pa buyoyumo, ikyene kikaya ni Lisyu. Kisita kuswiga uswe tukutoligwa ukuya ni myoto gya luyigo gikwaka. Uswe tukufumbwa akabalilo kakupyagila inyumba. Kyala atisakubombamo siku ikyo mpaka uswe tugomokele kangi. Uswe tukufumbwa akabalilo kakupyagila inyumba.

⁸⁴ Kangi ugwe nnyambala, ugwe kundeka unkasigp ukubomba i kindu bo ikyo, ukufwala akabundu! Abene bakaya baMethodisti, baBaptisti. Abo bo baPentekosti, uko ko kutalusya, “ububoneke bwa bunyakyala, Ngulilo ya Kipanga kya Laodikiya, ikulungule,” Pentekosti pa ngamu, po pene itolo. Pentekosti yikaya ngamu mma, ubwene bo bwendelemo bwa losyo lwa Mbepo Mwikemo, uyu ikusuka abandu mosi. Kisita kuswiga uswe tukutoligwa ukuya nu bubombelo bwabubumbulusyo ubukulumba ni findu, kilipo ikindukimo kyatamisyeye pabuyobumo. Ikyene yo Setano, atubwene uswe panja tukugela uku. . .

⁸⁵ “Ena, uswe tukuyoba kilikyosa kya ikyene, abene bisakusanuka ubwakipanga kyabo.”

⁸⁶ Kumbukilaga, ugwe utikupepeka a Bakristi. A Bakristi bakafu. Abene bo banyambala na bakikulu ba Kyala, aba bikwimila Kyala, kisita kupasya iki aligwesa uyungi abagile ukuyoba. Ugwe utikufimbilisigwa ukubasuma abene nukubapepeka abene, nukubapaka uluma abene nukubapagata abene mosi. Ifyo fyo fya pa nasale, ifimela ififulugania, ikyene kikaya kinunu napanandi, abene batisakutwalamo siku nakimo.

⁸⁷ Kikungumbusya une, ukuya bo. . . Akene lululu kikuyaga kabalilo ka kuluka fifufumbwa. Une ngesisyeye utuyuni utunini umweisyugu, ukukilania kula, abatundulu abanini bikupimba ilyundu ukubuka mfifufumbwa fyabo. Akene katikuyaga kabalilo akatali papo utwene tukuyengaga ififufumbwa, ukutendeka utufumbi twabo utunini ukupanja. Umwe mumenye, akayuni akanini kabagile ukuya nikifufumbwa kya mafumbi, kangi akene kabagile ukwitugasya pa kifufumbwa kya mafumbi kila, kangi akene kikugasanusya agene amaminiti manini galigosa; kakwega utulundi twake utunini nukugasanusya agene, nukwitugasya pala. Lilino, linga umwene ikugaleka amafumbi gala ukuya matalalifu, ukufuma papa agene malungufu akabalilo kamo, agene gatisakupanja mma. Kangi umwene itolo ikupululuka nukwakwega ifyakyulya ikisul'undumo nukugomokela itolo pa gene kangi.

⁸⁸ Kangi umwe mumenye, u injuni mama iyaiyolo yila, umwene abagile ukwitugasya pala pa mafumbi gala, nukugasanusya agene amaminiti mabili galigosa, kangi komm. . . na kope ukwiypa nu kusitakulya mpaka umwene ikuya ndondo fiyo umwene ikutoligwa ukusokapo pa kifufumbwa. Loli penepapo,

polelo, injuni māma yila yāgéne ni njuni nnyāmbála, amafūmbi gala gatisakupānja. Kali kyo kiliku, mūmo ugwe kūbatila agēne, agēne gatisakupānja. Agēne gikwītugasyāga mulamula nkifūfūmbwa nukubola.

⁸⁹ Kangi linga kālīmo siku akabalilo akākúti Pentekosti ikufimbilisigwa ukufika palikimo nu Nnine, Yeso Kristi; 'nongwa yakuti uswe tutikwamo nakamo lōli ikifūfūmbwa kīswīle na mafūmbi amabole, bikupīka u Lwītīko, bikubūka mu Lukomano lwa Fipanga-fyōsa, nukukikōlēla ikylene findu fikulumba, ukwitūgāsyā kifuki na pāpa, nukuti “ikyēne kyo kyāmwambepo.” Ngimba kitamisye fiki ni kīsu, umwe bāndu ba kiPentekosti? Ngimba umwe mukamanya i Bāngéli lyāyobīle ifindu fila fisakubonekaga? Kangi uswe tukuywega panongwa yakuti aba baMethodisti kangi baBaptisti bikwingila, kangi polelo fyosa ifindu ifingi bo ifyo. Ngimba umwe mutikusyāgānia ukuti akabalilo kāko abafūnde abātúlo bikwīsa ukūla Mafuta, yila yāli yo sala yilayila u Mwegi ālīsīle? Kangi abēne bakāgāgīle a Mafuta! Umwe mumenye, u Kunyakiligwa kwisakwīsa mbutītu fīyo, kangi nukusōkāpo, utubalilo tumo, umwe mutisa nukumanya ikylene kikubōmbīgwa. Ukwene kwisa kuti kukindile, kangi umwene mwisakuswīga iki kyābōmbīgwe.

⁹⁰ Bo Yohani ālīsīle pa kisu. Kangi abēne balinkuti ku Mwēne, balinkuti, “Ena, i Bāngéli lyāyobīle, Eliya ikufimbilisigwa ukwisa tāsi.” Umwene alinkuti, “Umwene atalile īsīle, kangi umwe mukāménye ikyēne.”

⁹¹ Momūmo ikyēne kisakuyaga, ilisiku limo, abēne bisakuyobaga, “Une ninogonaga iki kyāyaga pakuboneka bo kakāli a kabalilo ka Butolwe. Une ninogonaga u Kunyakiligwa kyāyaga ukuboneka pa buyo.” Amasyu gikugomokela kunyuma, “Ikyene kitalile kibonīke kangi umwe mukāménye ikylene.” Uu-huu. Ukwene kubagile ukuya kwīlīle ukukinda mūmo umwe mukwinogonēla. O, lembuka, kipanga! Une kinunupo nkileke ikyo; une ngisako siku kuno panongwa ya kimanyisyo, une itolo ninogonaga une ngutikaga kila nkati itolo ukuti umwe mwābagīle ukuya nakyo kila pa lubafu.

⁹² Kumbukilaga, nkundwe, Setano asikētīle i mbatiko inywāmu isi, ikipinga kimo kikugela ukukitola ikipinga ikingi, ikipinga-kipāgūke kimo ukugela ukukitola ikingi, ukwīpilamo mosa ubusita kumanyila nukufimbilisigwa ukubapa abēne ingelo sya bufunda-minogono, ukuya nu mfunda-minogono ukungela u nnyāmbála bo umwene akāli akabūka mmigunda. Pentekosti! Umma, abo—abo—abo bakaya ba Presbeteri mma, abo bo baPentekosti. Ulugelo lwa bufunda-minogono lukulōndigwa ulwa kibugutila kimo kwa baPentekosti, ikibugutila ikikulumba, bo abatumigwa babagīle ukwega ukubuka panja.

⁹³ Bule linga abene bāli nu lugelo bo ulu? Abene bēgile u lugelo. Ulwene lwāli lugelo lwapentekosti ku bwāndilo, akabalilo kāko abēne bāgūlile nkyumba ikyapamwanya mpaka pala pālisile u Moto ukufuma pa Mwanya, kangi a Maka ga Kyāla. Lula lwāli lugelo.

⁹⁴ Komma u mfunda-minogono yumo ugwanikisu, anwīlémo-sinda imīle pala ukugela ukutendeka i linogono, linga ugwe uli panini gwalutende, pamo ikindukimo, bikuti, “Ugwe gwe mōsa utoligwe.” Akabalilo kāko, ikyēne naloliloli kikusisimikisya ukuti u nnyāmbāla uyu yo nubumalikisyo gwamwambépo yo gwalutende, umwene ikufimbilisigwa ukuya mbwitūgāsye bula ukufika mu Kyēne. Popāpo mwaketa lelo umwe, muketile, kangi itolo ukōnānga iki Kyāla agelile ukubōmba ku fyinja fingi, nukugomokela pala ukusyungutila ni mbātiko syābo ni fyābo ifikulumba...

⁹⁵ Abene bikwīyūla akabalilo kāko abēne bikukēta ifilundilo fya bāndu bakomene palikimo. Bikuti, “Linga une nābagile ukubatendeka abēne bosa ukuya baAssemblies! Linga une nābagile ukubatendeka bosa bala baOneness! Linga une nābagile ukubatendeka bosa abene baMethodisti!” Aba Methodisti bikugela ukutendeka bosa abene ukuya baMethodisti, a baBaptisti bikugela ukukutendeka bōsa ukuya baBaptisti, abaPentekosti bōsa ukuya baPentekosti! O, ugwe ukabagila ukubomba nakimo ikya ikyēne, Kyāla asūngwile bala ukufuma ku lwālo lwa kisu. Uswe tukufimbilisigwa ukulumbilila i Nongwainunu. Yo yene popāpo. Lōli, imbātiko syītu inywāmu, uswe tusōkilépo kisita Moto gula. Uswe tusōkilépo nukwitendekéla twībēne u moto untendekigwekukāya, mūmo ikyēne kyāyobeligwāga.

⁹⁶ Kangi ikikomyunisti kyītu, lilino uswe tuli nulutende, ikikomyunisti kīngīlémo nkati, “Ngimba kyo fiki kikubonekāga?” Lōli, umwe mumenye, ikindu ikikulumba kikaya kikomyunisti. Umwe unko une mbabūle umwe lilino, une ndinkutīla ikikomyunisti.

⁹⁷ Loli kiliku iki une ngutila, umwe baPentekosti, ulu Ulukomano lwa Fipanga lo ulu lukwisa kukubēga umwe. Ikyo kyo kindu. Ikyēne kikubumbāga ubung’wale bwa kinyamana, kangi umwe mwisakufimbilisigwāga ukubūka mu kyēne. Panongwa yakuti umwe mwe kipanganio, umwe mukufimbilisigwa ukwingila pamo ukusōka panja. Ikyo kyo kindu, kangi u mūndu aligwesa unnunu, ugwamahala, ugwamwambepo amenye ikyo. Uswe tufumbilwe ubungi ubuketi bwa pamwanya-pa-sūmbi, uswe tukubwāga ubwene lilino. Kangi a baPentekosti bītu, itolo ukumila ikyēne, imbēya, indisi, ni litéla, “Kyo kindu kikulumba kiki ikyene kisakuyaga!” Akabalilo kako, Methodisti, Presbeteri, gwaLuteri, ba kipanga kya Kristi, kangi baPentekosti, umwe mwisakufimbilisigwa ukupīka—ukupīka ikimanyisyo kīnu

ikikulumba ikyabutumigwa, ukti muye nkati mula. Abêne bisakufimbilisigwa ukubōmba kilakila. Umwe mutisakuya nakyo nakimo ikyakubombapo pa kyêne. Ikyêne kyo kyōsa ukulungisania na Roma, itolo katikati iki kisisimikisigwe. I Lisimbo lyāyobīle lulo.

⁹⁸ Ngimba fyo fiki fitamīsyē na balūmbilīli aba bikwitikisīsyā ifindu ifi fifikēge nkayīlo aka, kisita kubasoka abāndu? Kyāla isakulālusyāga ku maboko gābo. Munomuno nkabalilo ka butolwe, abēne bāli mbutolwe, abēne bāli. Ikiomyunisti kitikwīngīla nkati; ikyēne kyo Lukomano bwa Fipanga kisakumīla ikipanga kyōsa. Kangi kumbukilāga, akabalilo kāko umwe mukuyoba, “Kitisa...” Ikyēne kikuboneka, polelo ikyēne kisakuyaga kikābīle fiyo. Umwe mubōmbīle mwēgīle ubungw’āle bwa kinyamana. Umwe mwīngīle ku kyēne akabalilo kala.

⁹⁹ Ugwe kinunupo fikaga kūko ugwe ubagīle ukusōkāko ku kyēne lilino, ena, nkulumba, yaga mfungīgwe mu Kitangalala kya Kyāla. U Mbili gwa Kristi go Mbili gwambutītu gwa Kristi, ugu gōsīgwe nkati mu Kyēne ukwisila mwa Mbepo Mwikēmo; komma ukulungisigwa mu Kyēne, ukwēgīgwa nkati mu Kyēne, ukuyoba mu Kyēne, ukuyoba-mu-ndumi nkati mwa Kyēne, ukuywega nkati kya Kyēne. Ugwe upāpīgwe nkati mu Kyēne, ukwisila mwa Mbepo Mwikemo. Uko ko kutalusya. Naloliloli.

¹⁰⁰ Lilino uswe tukukētēsya ifindu ifi, ubutolwe bukwisapo nakalinga itolo. O, u mōhēsi alinkukēta pamwanya nukuti, “Uu-huu, abēne babūkīle mbupāgūke pa bukino, abēne bali itolo panja pala ikunyela-nyela, ukuywēga, ukuya na kabalilo akanywāmu. Umwe mumenye fiki, lululu ulu ko kabalilo kangu akakubamilisya abene. Une ngubapyanikisya abēne lilino.”

¹⁰¹ Popāpo umwene alinkufyūka pamwanya pa kām̄ba nukwānda ukupūta umuyi gwa kitānda gwāke, whuu: “Amasiku ga fika gakindile. Mulimosa, une ngwitika abāndu aba bālūtēde itolo. Une ngwinogona abēne babagīle ukuya nu—nu—nu lugelo lwa minogonelo bo abēne bakāli nukwēga imigunda gyāpānja.” Bapentekosti! Uu-huu. Kēta ikitānda kyāke kikugoga i Lisyu, “O, une ngwinogona Ikyene kyo kindukimo ikingi, une—une ngwitika ikyene...” Muketile, ukubūka kulakula ukutalula ukugomokela bo fyōsa ifingi ifipanga-gipāgūke fyābōmbīle, ugo go itolo katikati nsebwe abēne bikwēnda. Abēne bisa, ikyēne kisakugoga ikyēne. Isala yilayila ugwe kwīpāngānia ikyēne, kila kikugōga ikyēne. Ikyēne akabalilo kōsa kibōmbīle. Ikyēne akabalilo kōsa kisakubōmba. Ikyēne kitisakusumukāmo kangī siku. Ikyēne kikamanyigwāmo siku mu syāmbukūlu. Mu—mu Ngulilo ya Kipanga kya Laodicea, Kristi ābīkīgwe pānja, ikukung’usya, ikugela ukwingila. Kangi abene bakabagila itolo ukwimikana nakyo Ikyene. Abene bikutoligwa ukupilikisya ku Kyēne. Lilino uswe tukwaga, isala iyi uswe tukwitugasyāmo, ubutolwe bukwīngīla.

¹⁰² Kangi polelo uswe tukwānda ukusyāgānia, ifika fitikubonéka kangi mma, mūmo ifyēne fyāli. Ababīne bikubūka ku kāya babīne. Ikyēne kikāya panongwa ya Kyāla. Ikyēne kyo panongwa ya kisítakuyāpo kwa luyigo pakati pa bāndu. Lukayāpo nalumo uluyigo. Abēne—abēne bikwitūgāsya nukupilikisya; ukubūka kukāya, bikuyóba, “Mulimosa, une ngusakikisya kila kyāli kinunu itolo. Uu-huu.” Muketīle, kukayako nukwīyūla mma. Kikayapo ni kindukimo kila mu bāndu iki kibagīle ukuyapo pala.

¹⁰³ Une ngukumbukīla ifyinja kalongo na fihano ifi fikindīle, kuno me Arkansas, akabalilo kāko une nāyāga na kakomano akanini pamwanya pala ku Jonesboro, akabalilo kāko kifuki abāndu maelifu malongo-mana bikugela ukuyapo pa iki, ukwisa ku lukomano ku kāya ka bandu kifuki maelifu kalongo-na-ihano. Kangi abēne bālambaléle pāsī pa magali gakupimbila amasapa na filifyosa ifingi, nukukoleléla ifikalatasi pamwanya pa bāna bābo ababīne, itolo ukuti bafike nkati. Abēne bālītūgēsye mfikota fyābo kangī balinkusita kusōkāpo, pamūsi na pakīlo, kangī babatumaga abaganīgwa bābo ukubūka ukukwēga unkati-gwa-ngulube ni—ni supa ya kyākúnwa; nukusyala pala, ukwanda kwa lisiku nu kumalīsya kwa lisiku, ukwānda kwa lisiku nu kumalīsya kwa lisiku. Indumbula syābo syākyāga, pa moto. Itolo pabunini fiyo ikindu ikinini Kyāla ābōmbīle, ikyēne kyābabīkīle abēne pa moto. Kangi ba mia ba bēbe bālīsīle mula.

¹⁰⁴ Umwene akāli yo Kyāla yulayula, ikilo iki, kīkyo Umwene āli ifyinja kalongo na fihano ifi fikindīlepo. Umwene akāli yo Kyāla yulayula, ikilo iki, iki Umwene āli akabalilo kāko Umwēne āpelīle kumwanya na pāsī.

¹⁰⁵ Lōli kyo fiki ikyēne? Uswe tuli nabo bōsa bikwīyūla kangī bālondāga ukuyenga ifipanganio fyītu, balōndīle ukuyenga *iki*, kangī ukuyenga *kila*, kangī ukutendeka ikindukimo ikikulumba kangī kimulike, ukufwānikisya na baJones, na baMethodisti, na baBaptisti, naPresbeteri. Umwe mukaya ba abēne. Umma, umwe mukaya. Abēne bo bāndu bafipanga-fipāgūke, iki kyo kili kanunu mōsa, nakimo ikyākulwana na bēne. Balipo ba bīngi a Bakristi banunu panja pakati pa bēne, lōli ugwe utikulōndigwa ukwībanilila gwimwene ni fibugutīla ifisitakwitika fila. “Abandu aba bikukana a Maka aga galimumo,” ugwe ukabagisania ukwēga ulubafu na bēne mma.

¹⁰⁶ Umwe mumenye, ulutamio lwa ikyēne lo lwakuti, ugwe kugela ukutwāla Hollywood nkipanga. Ikindu kyene iki ugwe kufimbilisigwa ukubomba ko kusōsya Hollywood panja pa kipanga. Muketile? Umwe mukugela ukutendeka ikiyumba kyīnu ukuya kimogi, umwe mukugela ukutendeka ikipanga-kipāgūke kyīnu ukuya kinywamu fiyo, mpaka ikyene kisakukwabāga ukukēta kwa bāndu. Uswe tukabagīla ukubūka

kula ku lubafu lwālo. Uswe tukufimbilisígwa ukuya nabo ku lubafu lwitu. Kilikyosa iki kikumulika, kumbukilaga, Hollywood ikumulikamulika bu bwankīsu, akabalilo kāko i Nongwainunu yikwēluka mu lwiwūfyo. Kulipo ukukindana ukwingipo pakati pa kumulika nu kunyeka. I Nongwainunu yikunyeka mu lwīyīsyo, kangī mbololo, kangī ulwiwūfyo, kangī amaka. Akabalilo kāko, Hollywood ikumulika, kangī aligwesa ikulata nu kuywega, kangī ukubūka ku kyēne. Muketile? Uswe tukafūmbwa ikyo mma.

¹⁰⁷ Uswe tukulōnda ukwitugasya u Bwēlu bula. Umwene āyobīle, “Umwe mwe mūnyu gwa kīsu.” “Linga u mūnyu gutāgīle ubōnje bwāke,” ago go máka gāke mu Nongwainunu. Uswe tubagīle ukuya nakyō ikindukimo kikwēnda mfipanga fyītu, ifi a baMethodisti, abaBaptisti, abaPresbeteri, na bōsa ba abēne, bisakunyonywāga ukwīsa. Uswe tukufimbilisígwa ukuya bāmūnyu! U mūnyu gukutēndēka ikyūmīlwa, gukupēla ikyūmīlwa. U mūnyu bo bōnje, linga ugwēne gukupalamanya. Ugwe gubagīle ukupalamāsígwa.

¹⁰⁸ Kangī uswe tukusyāgānia, amatāta gītu amakulumba gikugēla ukufwanikisania na baMethodisti na baBaptisti, ni miyumba iminywāmu, na mabuyo amanywamu, na bāndu abanunu abamanyi, kangī i sukulu ingulumba na makoleji amakulumbapo, na filifyōsa bo ifyo. Uswe tusōkilēpo ukubūka ku matati, kangī apa ulutamio lukwingilāmo.

¹⁰⁹ Kangī i linogono lyāmwambēpo likukētesya ukusyūngūtīla nukuyōba, “Apa, gūlila i miniti, ngimba uswe twesa tukufimbilisígwa ukwega u Bumobwene lwa Fipanga būla? Ngimba ikibugūtīla kyītu kyōsa kisa kubūka mu kyēne?” Naloliloli, umwe mukubūka. Ikyo kyo katikati. Umwe kētesya kangī kēta linga umwe mutikubōmba. Ili Bāngēli lyāyobīle umwe mukubōmbāga, katikati, kangī Kristi ikuyāga pānja. U mwēsi gwālisimīsyē gwēne pankyēne pa pāpa (ugwākwāndāmo siku ābūkīle ku Roma), ikilo kimo, ukukunāngīsyā ugwē ikimanyilo mu myānya. Kisakusakikisígwa, ugwēne gwabōmbīle ikyēne. Mūmo u Ntwa ikubōmbela ifindu ifi mulisiku ili, kyākuswīgīsyā!

¹¹⁰ Polelo mu sala ingulumba iyi iya ngīsi, akabalilo kāko abēne bāli kula, imibelo gilinkwisapo. Isūbīlo syōsa isyakuponesígwa syākindīle. Lilino ngimba ugwe kubombaga fiki linga ikibugūtīla kyako kikubūka mu Bumobwene bwa Fipanga? Ngimba fiki fikubonekaga akabalilo kāla ku fyōsa ifindu fyītu ifikulumba ifi uswe twāyengīle apa pa kīsu, u lusūbīlo ulwabumalikisyo lukindīlo?

¹¹¹ Lōli umwe mumenye, bo abēne bo bali kifuki ukukūta, kangī isūbīlo syōsa syākindīle, abēne bakābagīle ukupokīgwa; kangī nakalinga itolo, abēne balinkumbōna Umwēne ikwisa ikwenda pa mīsi. Mu sala ya ngīsi, Umwēne alinkwīsa, ikwenda mula.

112 Umwe mumenye fiki? Akabalilo kâko Umwêne abâlekîle abêne, Umwêne âmenye ikyo kyâyâga pakuboneka, popâpo Umwene alinkufyûka akâmba akatali ukukinda aka kâlîmo nkîsu kila. Pamwanyapo fiyo ugwe kubûka, pabutalipo ugwe ubagîle ukukêta. Kangi Umwêne alinkufyûka mmwanya ukuti Umwêne âbagîle ukubakêtésya abêne, umwe mumenye.

113 Kangi Umwene âménye iki kîsâga. Umwêne asakikîsyé ilisiku ili ukuyako apa. “Mumo ukwene kwâyîlîle mmasiku ga Sodomu, momumo ukwene kwisakuyilaga mu kwisa kwa Mwanundumiana gwa mûndu, akabalilo kâko u Mwanundumiana gwa mundu ikusetuligwa.” Polelo, u Mwanundumiana abagîle ukusetuligwa. Ingulilo îmbîbi niyabulogwe iyi yisakulôndesyâga ikimanyilo. Iyêne yisakuya ni kimanyilo kimo. Iyêne yisakukâna ikyêne mûmo abêne bâbômbîle akabalilo kâla, lôli ikyêne kisakuya kimanyilo kya busyûke. Umwêne akâli mûmi, ikubômbela mûmo Umwêne âbômbîle.

114 Uswe tukusyâgânia, ukuti mu sala ingulumba iyi, abafûndîgwa bâla bôsa mbutolwe, Umwene alinkufyûka mmwanya ukuti Umwêne abâgîle ukubakêtésya abêne. Umwene âlitugésye pala pa kyamba, bikulya abene.

115 Kangi lilino Umwêne akâfyûkîle ikyâmba akabalilo aka, lôli Umwene âfyûkîle ukufuma mwipûmba, ukufyûka ukukinda mu mbepo, ukukinda u mwesi, indondwa, mpaka Umwêne âbûkîle mmwanya fiyo mpaka Umwêne âbagîle ukukêta pâsi ukukêta ku Mwanya. Kangi pala Umwêne ikwîtugâsya, pa Mwanya. Lilino ikisige Kyâke kili pa tûndûlu, kangi une mmenye Umwêne ikukêtésya uswe. Umwênr ikukêtésya.

116 Kangi papapa apa mu sala iyi ya ngîsi, akabalilo kâko ifipanga fyôsa fibûkîle mu mbâtiko ingulumba, kangi abêne bali lubatîko *ulu* kang ulubatiko *lula*, fyôsa fibatikîgwe môsa bo fifipanga ifingi fiyîlîle, ifipanga-fipâgûke. Kangi kyo fiki iki kyâbonîke fiki? Mu sala ya ngîsi, akabalilo kâko abându bîsusîgwa-na-mbepo abanaloliloli bikuswîga, “Kikubonekaga fiki? Keta ku bana bangu!” Unnyambala ikuyoba, “Keta ku nkasi gwangu! Keta pa *iki!*”

117 Kangi abêne bâlundwisye ulwa Pandungu, pamo lwa Pakitatu nkilo ulukomano lwa lwîpûto, nakalinga, ukuti abêne babagîle ukwakuketelela *Uswe Tunganiile Sucey*, pamo ikindukimo bo ikyo, pa senema. “Bagana ba kîsu, ukukinda ukuya bagana Kyâla.” Ukubômbéla ngati bêne.

118 Une nâlîmbulîle unîkîkûlu yumo ilisiku limo, umwêne âfwêle ilidiresi lyâke ilifinyu fiyo. Une ndinkuti, “Kalumbu, ilidresi îlyo lifinyu fiyo. Ikyêne kibagile ukusita kupilikîgwa kanunu ukuti une ngubûle ugwe ikyo, lôli îlyêne lifinyu. Ugwe gwe Nkristi, kangi ugwe kupelaga ikyakwitabaniamo.”

119 Umwene alinkuti, “Ena, Nkundwe Branham, ugwe umenye fiki?” Umwene alinkuti, “Ilyo lyo luko lwene abene bikutendeka.”

120 Une ndinkuti, “Abene bakali bikulisa ifyombo, kang abene bali na makina gakusónela. Lukayapo nu luhobokelo.” Ena.

121 Pilikisya, unko une ngubule ugwe ikindukimo, mwinangu mpala. Kisita kukusalapo ugwe. Umma, nkulumba. Une ngugela ukukyunga ugwe ukusokako ku butolwe. Akabalilo kako i mbepo yila yili mwa ugwe, ugwe kubombaga icyene. Uko ko kutalusya. Ugwe kufimbilisigwa ukupapigwa ukusokamo mu kyene. Lilino ugwe ubagile ukwifwanikisya gwimwene pa masyu ago, loli unko une ngubule ugwe ikindukimo, muketile, “Iki indumbula yako yili, mula ikyuma kyako kyope kili.”

122 Unko une ngubule ugwe. Ugwe ubagile ukuya mwelu itolo bo kikala kwa ndumego, kang ugwe ubagile ukuya itolo mwelu bo kikala, ndindwana nkeke, ku mwinako u ndumiana, loli ilisiku limo Kyala isakukutendeka ugwe ukwamula panongwa ya kusulwa ubulogwe. Ugwe utobesigwe akabalilo kako ugwe kufwala bo lula. Yeso aatile, “Aligwesa uyu ikuketa ku nkikulu ukunonyonywa umwene, abombile ubulogwe nu mwene mu ndumbula yake.” Kang akabalilo kako u nnyambala yula ikufimbilisigwa ukwamula, untulwanongwa yula, panongwa ya kuketa pa ugwe, panongwa ya kusulwa ubulogwe, ngimba yo ywani akitwela icyene ku mwene? Inogona isya icyene. Umwe bakikulu ba kiPentekosti, isoni pa umwe! Muketile? Isoni pa umwe!

123 Une mbaganile umwe, iyo yo nongwa une nguyoba ikyo. U lugano lugolosi.

124 Uswe tuli pa matata amakulumba, amatata ga bufwalilo amakulumba. Ikyene kili itolo bo, kang kitendekesigwe bo kisu. Umwene alinkuti, “Ukugana i kisu mma, pamo ifindu fya nkisu; linga ugwe kubomba, u lugano lwa Kyala lukayamo na mwa ugwe mma,” Une ndinkupasya ugwe kuyoba kalinga mu ndimi, ukunyela nyela, ukumoga, ukutumula inywili, ukufwala amadiresi bo ulo. Ugwe nnyambala kwitikisya icyene. Ifipaso fyako fyene fikukubula ugwe kuko ugwe uliko. Uko ko katikati kutalusya. Kisita kuswiga uswe tuli mbifuluganike bo ubu uswe tulimo, kang tukumalikisya mu kikomyunisti, imibelo gya kipangapanga, imibela gya kipanganio kyabumobwene!

125 Akene ko—akene ko kabalilo ka kulungisania, akabalilo ka kubungania. Imibunganio gikubungania abapambombo, ukumana ukufwana ni kyene. Ifisu fili nakyo i—i United Nations, abene bikwibungania. Ifipanga fikwibungania palikimo. Ngimba icyene kikunangisya fiki mosa? Ikyene kikunangisya ukuti Kristi nu Nsingiligwa ikwitendekesya ukulungisigwa. Ikyo kyo iki icyene kikuyobelapo. Gyosa igi imisyungulu gya findu gikunangisya ikwabwanaloli kikwisa. Ketesya lilino akabalilo

kako uswe tukwigala, panongwa yakuti une negile isala indali fiyo.

¹²⁶ Kangi lilino kētésya, mu sala ingulumba yila akabalilo káko ulusúbilo lōsa lwákindíle, ulwa kuponesígwa, abēne balinkumbona Yumo ikwisa, ikwenda pa mīsi, ikusegelela. Kangi i kindu, ikiyabo ikipela busulumanie, pilikisya kifuki, ikindu kyēne iki kyābagíle ukubatula abēne, abēne bakitílága. Abēne balinkuti, “Ikyēne kikuboneka mbusyukasyuka. Ikyene lumo kili, umwe mumenye, kisyúka.”

¹²⁷ Linga ikyo kikaboneka kāngi u mwisyúgu! Abēne bikukitíla Ikyēne. Abēne bikutíla ubulágúsi, abēne bikutíla u luko lumo lwa maka ga mōhési; akabalilo kako Yeso āyobile Ikyene kisakubonekaga mu lisiku ili. Ikindu kyene iki kibagile ukubatúla abēne yo Yeso Kristi. Komma ikipānga-kipāgúke kimo, komma ukuti bōsa bīlungisyege palikimo; ikyo kyo itolo kikubukága ukutendeka ikyēne kinyalipo ukukindamo siku. Ikindu kyēne iki kibagile ukukutula ugwe yo Yeso Kristi.

¹²⁸ Kangi akabalilo káko Umwene āfingile ukugomokela ku masiku ga bumalikisyo, mu luko ulu, kangi ukubomba sisisi, ukufínga (ukufwana itolo bo akáli u mwanundumia umfingígwe āgomokíle kwa Abraham, imbeyu yakwānda) uluyungu lwabunyafyale lwa Abraham, Yeso ābagíle. . . āyobile ābagíle ukukéta ikindu kilakila. Bo akáli u Mwanundumiana umfingigwe, Kyala ābagíle ukwibonesya Mwene mu mbili kangi ukubomba bo yo Yeso ābōmbíle, bo mūmo Umwēne āyobile Umwēne ikubōmbága, itolo mūmo āyobile fikubōmbeligwága mmasiku ga bumalikisyo. Kangi apa ifingo syōsa sila, isi uswe twābagíle ukwāla isyēne pānja, mwa bakalongo-na-babili, papapa apa pankyéni pa umwe, ukuti iki kibagíle ukuboneka pa buyo.

¹²⁹ Kangi ifipanga, ifi fibagíle ukuya na maboko gabālulígwe pānja, ukwambilila Ikyēne, “Une ngutíla panini isya Ikyo. Ikyēne kikaya kya kibugutíla kyítu, muketile.” Kangi abēne bikukitíla Ikyēne. Ikindu kyēne iki kibagíle ukubatwala abēne kwa Kristi, yo Kristi Mwene, kangi abēne bikutíla ukuti Ikyēne kyakutílísya. “O, une ngamanya. Ikyo lumo kyamisyúka, ugwe uketile. Kangi une ngasimanya isya Ikyēne.” Ukutíla ikindu kyēne iki kibagíle ukubatula abēne.

¹³⁰ Kangi mu sala iyangísi yila iyabutolwe, abasaligwa ikipanga kila, ikibugutíla kila kītúgésya panja pala, ukutíla ukuti ikyēne lumo kyáli kyamisyúka, abēne bakálondága ukuya nakyo nakimo ikyakubomba ni kyēne. Polelo likwisa i Lisyu ilinoge lila, “Komma ukutíla. Ikyēne yo Une.”

¹³¹ Umwene yo Lisyu, bule Umwene? Umwene atikwandukamo siku, ukuya Lisyu. Lilino ngimba ugwe ukabagila ukupilika i Lisyu likuyoba, ikilo iki, “Umwene yo yulayula mmayolo,

umwisyúgu, kangí bwilanabwila. Komma ukutíla; ikyēne yo Une”?

Tuli namisya uswe imitu gyitu.

¹³² Tāta Gwakumwanya, a—a mayolo gapile. Isala syangĩsi, mūmo fikutu u Moto gusōkilépo pa kigémo. Ugwe kubungania ukukilania mu ngunda. Ugwe gwāyobíle, “I Kitangala kili bo u mūndu uyu ālyégíle ulwelo nukubūka kwa sūmbi, ukutága ulwene mula, kangí bo umwēne alutwele ulwēne panja. I Kitangalala kyāli bo lula.” Ntwa Kyāla, ilisiku limo iswi yabumalikisyo yila iyi yili mmīsi! Ugwe gwāyobíle, “Abēne bākólíle u luko lōsa.” Ulwelo lwa Nongwainunu lula lukukóla uluko lōsa; ulwene lwākólíle abakayamba, iswi-mwafula, būbi, imiyoka, iswi-syāmino. Uswe tukamanya iki ikyēne kikukóla, lōli syalimo iswi simo mula Ugwe gwasikōngága. Ugwe gwe Yumo uyu yo Ndongi. Lōli uswe tukusyagāna, nakalanga abakayamba, iswi-mwafula, na syōsa, sikugomokela ku bwina-matipa kangí, ukugomokela ku mīsi. Lōli ilisiku limo iswi ya bumalikisyo yila iyi yāsungulígwe, yamanyilígwe-ngānīla ukwīsa, ikiyabo kyabumalikisyo kila ikya Mbili, kisakukwabigwága ukufuma mwa sūmbi.

¹³³ Ugwe gwāsopíle u lwēlo mmasiku ga Luteri, na Wesley, Alexander Campbell, John Smith, Calvin, Knox, Finney, Sankey, bo abo; mu ngulilo ya kiPentekosti, amasiku ga F. F. Bosworth, na Frochman, abanyāmbála abakulumba bala. Ugwe gwāsopíle u lwēlo, mmasiku ga Billy Sunday, ukukindilila ukukinda i ngulilo.

¹³⁴ Kangi lilino Ugwe ukāli kupesa ukukinda mwa sūmbi. Ngimba alipo pala yumo gwa bēne itūgésye muno ikilo iki, Ntwa? Linga ikyene mo mūmo, abene babagile ukuya bo nkikulu unnini ku kisiba. Pópe mu kayílo kabulogwe kāke, umwēne pópe ākwagénie ukuti Ugwe gwāli Mesiya. Umwēne akibwēne ikimanyilo kila. Ikyo kyāli ikyēne. Umwene alinkuti, “Une ngusyagānia Ugwe gwe nsololi.” Umwene akāli na minogono nagamo ukuti ikyene kyābagíle ukuya Mesiya. Umwēne alinkuti, “Uswe tukulondalonda u Mesiya,” mu masyu agāngi. “Uswe tumenye akabalilo kako Mesiya ikwisa, Umwene isakutubúla uswe ifindu ifi.” Kangi Ugwe uyobile, “Une ne Yuyo.” Ikyo kyāli ikyēne.

¹³⁵ Lilino, ikilo iki, Ntwa, unko abēne bakēte ikyo, “Ikyēne yo Une; mungayaga ba lutende. Ulwēne lo lufingo Lwāngu.” Bumbulusyága ababíne, Ntwa, pokaga abasobi, isusyaga abasitakandu.

¹³⁶ Tulisōkangápo uswe ikilo iki, nukuyoba mu ndumbula syītu, bo uswe tukusōkápo, bo bala aba bafumile ku Emmausi, “Ngimba indumbula syītu sikāpyága nkati myītu bo Umwene ālumbililága kwa uswe ikilo iki mu kiyumba, u Kuyapo Kwāke u Kwākyála!” Mūmo abēne bamanyíle ukuti ikyēne kyāli Ugwe,

abêne bākukōlīle Ugwe mula kangī amāso gābo galinkwīgūka. Tūkusuma aligwesa gwa uswe, ikilo iki, tūkukōléle Ugwe nkati. Linga uswe tutikupilikisya Ikyēne, tulikukōlélāga uswe Ugwe nkati, mulimosa. Iyo yo njila yene Ugwe ubagile ukwisetulaga Gwīmwēne.

¹³⁷ Kangī uswe tūkukētésya mūmo Ugwe gwālisetulīle Gwīmwēne ukufuma pa busyuke Bwāko, Ugwe gwābōmbīle ikindukimo mu njila yilayila Ugwe gwābōmbīle bo kukālī ukukōmelīgwa Kwāko. Lilino isaga ikilo iki, Ntwa, Ugwe uyobile gwāli “yulayula mmayolo, umwisyugu, na bwilanabwila.” Bōmba kāngi, kuli uswe, mūmo Ugwe gwābōmbīle mmasiku gāgo Ugwe gwālimīle apa mu mbili, pa kisu. Uswe twisakubūkāga ku kāya, tupepusīgw’indumbula, ukufwana na bala. Mu Ngamu ya Yeso uswe tūkusuma. Amenī.

¹³⁸ Lilino ndukomano, ikilo iki, une mmenye ukwene kulungwīle fiyo, kangī uswe tuli nago amaminiti malongo mabili itolo ukuti tusōke nkabalilo. [Ubuyo busitakandu pa tepi—Nsimbi.] Une ne . . .

¹³⁹ Une ngabagīla ukwīmīka pamo ukupīnga i findu ifi une ngubōmba. Une ngugūtika ni Kindukimo, une akabalilo kōsa ngubōmba, ubūmi bwangu bōsa, kangī Ikyēne kyo akabalilo kōsa kitalusye. Ikyēne kikāmbulāmo une nakimo lōli iki kyāli i Bāngéli. Une ngabagīla ukwimika ikyēne. Une ngabagila ukubōmba nakimo ikya ikyēne. Ikyēne kikubōmba itolo ikyēne, mulimosa. Kangī une nsisimikisye, linga une ndigwakupilikila, ālipo u munduyumo yu ikufumbilwa ikyēne. Kangī une nguyaga nsūbilīgwa. Kangī ku Lisiku lila, une ngulonda, ukuya bo Mwikemo unkulumba Pauli āyobile, “Nalimo nililopa lya mundu pa kiboko kyangu.” Huu-uu. Une—une ngulonda ukubabūla umwe Bwānalōli. Komma ukuya une . . . Une mbaganile umwe.

¹⁴⁰ Kangī linga ugwe gwāli nu ndumiana unnini . . . Lilino inogona isya ikyēne, nkīkūlu, ugwe une nākumanilāga pitasipo, umwe bakalumbu ni nywīli indumuligwe ni findu. Linga une . . . Linga ugwe gwāli nu ndumiana unnini itūgésye panja pa lukindi, kangī ugwe gwāyobīle, “Gwemwāna, gwempala, ugwe kinunupo gwingile muno, gwempala. Ikyēne kibagīle ukuya, une ngamanya, abêne lumō bisakwendesyāga amagali ukusyungutila ugwe.” Ugwe ukangana umwanike yula. Uko ko kutalusya. Ugwe kubūkāga panja pala nukupuyula ikipapa ukufuma ku mwēne, pamo ukuntendeka umwene ingile. Uko ko kutalusya. Ugwe unganīle umwēne.

¹⁴¹ Iyo yo njila iyi i Nongwainunu yiyīlīle. Kyala akuganile ugwe. “Kangī bala aba Umwēne abaganīle, Umwēne ikubakomamo nukūmanīla umwāna aligwesa yu ikwīsa ku Mwēne.” Linga ugwe ukabagila ukwikasya ukukomigwamo, ugwe kusōkāpo kangī kuya nkalale ukufwana ni kyēne, polelo

ugwe gwe mwāna nsigwana, umwe mukaya bāna ba Kyāla. Polelo itolo kumbukilaga, ilyene lyo itolo Lisimbo.

¹⁴² Lilino i lisyu ukufuma kwa Mwēne, ilisyu limolyene, lisakusanusyaga ukukinda iki une nābagīle ukuyoba, akabalilo ka būmi elifu-elifu. Ikyēne yo Mwēne. Uswe tuménye ulufingo Lwāke. Uswe tumenye iki Umwene afindigile ukubomba. Lilino une ngamanya ukuti kali . . . ngimba . . . uswe tukufikaga ku . . .

¹⁴³ Ngimba umwe āyabénie amakadi? Ngimba ugwe gwāyabénie amakadi umwīsyúgu? Ngimba ikyēne kyāli fiki? J, umma ndaga. Umma ndaga, ukuponesya akabalilo, unko uswe itolo twānde pa mbalilo ya yimoyene. Lilino, abēne lumo bali mōsa mu kiyumba. J, mbalilo yākwānda.

¹⁴⁴ Kangi lilino uswe tulinasyo ingābisyo. Uswe twālyāndīle ukufuma, akabalilo kamo, ukufuma pa *iki*, pa kabalilo, ukubūka nu kugomoka kumo, nukusyungutīla, lōli uswe tulinkuya na bēne ukukābīla ukusyungutīla apa. Lōli abāndu balibōsa aba bikwingila muno, ilisiku liliyosa, bali nu lusako ukwisa mu bubambe. Ikyo kitikusanusya ukuti ugwe uli apa . . .

¹⁴⁵ Balinga bamenye, ndukomano ulu, bālipo kifuki kabilikosa bu bwingi bābumbulusígwe mula nkilundilo, bo bābo bābumbulusígwe pamwanya apa? Naloli, umwe mumenye ikyene. Muketile, i likadi lya lwīpúto lyo itolo ukubatwala abāndu pamwanya apa, ukutwāla Mbepo Mwikemo pakati pa bēne, bo mūmo umwe mwisibīle ukubomba ikyo. Uswe tutikulondigwa nukuya nalyo ilyēne lululu ulu. Uswe tubagīle ukusōsyāpo a makadi ga lwīpúto.

¹⁴⁶ Itolo mūmo uswe twābōmbīle ikilo kyāmmayolo, uswe tukālimo siku na makadi ga lwīpúto nkilo. Mbepo Mwikémo āsōkīle ukubūka pakati pa bēne aba bakāli nago amakadi ga lwīpúto. Kangi une nāfibwēne ifindu fingi une ngāyobilépo nakimo, 'nongwa yakuti une ngāménye kali ikyēne kyāli momūmo pamo mma. Ikyēne kyākāli kyālyumilisye ingīsi pamwanya pa bēne, kangi une ndinkukileka kyene itolo. Une ngāménye. Kikayaga pakubōmba ubununu nabumo ukukōléla abēne. Kilikyōsa iki Umwene ikuyōba kyo kitalusye, popāpo pilikisya iki Umwēne ikuyoba.

¹⁴⁷ Lilino ngimba ugwe gwatigi āli J? J, mbalilo yakwanda? J, mbalilo yakwanda. Ngimba ywani ali ni likadi lya lwīpúto? Fyusya ikiboko kyāko. Ugwe ubagīle ukuti usobīle, mwanundumiana; kubagīle ukuya kimo . . . O, une nsobīle. O, kubutali kula kunyuma kubwakibumba ku nyuma. Isaga apa, nkikūlu. Abene—abene bikusosyaga itolo lilino, undumiana uyu, u Nkundwe Borders pamo Billy, yumo, utubalilo tumo bosa babili, ukufulugania amakadi gala pankyeni pa ugwe, kangi polelo ukukupu ugwe ilikadi lyāko, lilyosa ili ugwe kulonda. Uswe tukamanya, agēne go itolo . . . *Uyu* abagīle ukwega i mbalilo yabuhano, kangī *yula* ikwēga i mbalilo yabuhano-

ni-yabubili, *uyu* ikwega i mbalilo yakalongo-ni-yabuhano, kang'i *yula* malongo-mahano-na-mana-ni-hano, kang'i uswe tukamanya. Kang'i polelo, kang'i, akabalilo kâko une ngwisa, une itolo, paliposa ikyëne kikuya pa ndumbula yangu, une ngukôléla ukufuma pala, kisita kupasya pâpo ikyëne kili. Une itolo. . .Linga une nguyoba. . .Utubalilo tumo une ngubala balinga mu bubambike, kang'i ukuyabania ikyëne na bâbo pa bubambike ubu nukwaga ilyâmúlo. Muketile? Kang'i polelo, linga une ndikubômba, fiki, une itolo. . .kilikyôsa kikwisa ku linogono lyângu ikyakwânda, une ngukôléla.

148 Mbalilo yakwanda. J, mbalilo yakibili. Mbalilo yakibili, mbalilo ya butatu, mbalilo yabuna, mbalilo yabuhano, mbalilo yabuhano-na-yimo, yabuhano na sibili, yâlwéle, yabuhano na sina, yakalongo, unko abêne bîse, muketile. Yimo, yabubili, yabutatu, yabuna, yabuhano, yabuhano na yimo, yabuhano na ibili, yabuhano na sitatu, yabuhano na sina, yakalongo. Ikyo kyo kinunu. Iyo yo njila, isaga itolo. . .Gûlîla, yumo âbûkile injila iyingi. Une nâli. . .Yimo, yabubili, yabutatu, yabuna, yabuhano, yabuhano na yimo, yabuhano na ibili, yabuhano na sitatu, yabuhano na sina. Uko ko kotalusya. Lilino, apa, apa ikyëne kili, kalongo. Umma ndaga.

149 Kalongo na yimo, kalongo na ibili, kalongo na itatu, kalongo na ina, kalongo na ihano. Abo bo bahano ukongelélapo. Yumo, babili, batatu, bana, bahano. Kinunu, ikyo kyo kinunu.

150 Kalongo na ihano na yimo, kalongo na ihano na ibili, kalongo na lwéle, kalongo na ihano na ina, malonga mabili. Yumo, babili, batatu, bana. Une ngubabona bana bêne. Malongo mabili, ngimba malongo mabili âmwlé? Umma ndaga. Lilino, uswe tutikulonda ukwega bingi fiyo bimile akabalilo kamokene. Lilino linga uswe tukumâlîsya na aba, kang'i ukwêne kwândéne ukufwâna, uswe tukubûkâga ukwêga bamo abakôngeléla. Uswe tutikukôléla. . .Lumo uswe. . .

151 Unko uswe tugéle abanandi ukôngelélapo. Unko uswe tugéle bahano ukongeléla. Malongo-mabili-na-yumo, ukubuka malongo-mabili-na-bahano, mwa ba J, unko abêne bîme linga umwe mukulônda. Malongo-mabili-na-yumo, ukubuka malongo-mabili-na-bahano. Yumo, babili, batatu, kubutali kunyuma mula munyuma, bana. Yumo, babili, batatu, bana, uyo yo bahano. Popâpo, lilino unko uswe itolo twîme apo. Balipo malonga-mabili-na-bahano mbubâmbe, kang'i abêne—abêne bikubâmba pâsi apa.

152 Lilino une ngubasumaga umwe ubutuli bumobwene. Ngimba umwe mukumbaga une ubupilikisye busitakutapulania. . .Mpapo Kyâla ubupilikisye ubusitakutapulania, ku maminiti kalongo-na-mahano, malongo-na-mahano-na-limo. Ngimba umwe mukubômbâga ikyo? Kang'i ngimba umwe mwisakubomba iki, igula indumbula

yīnu? Lilino kumbikilaga iki une njobile. Komma ukukuyitikisya ikyene kigwege pa nyuma yāko, bo ga misi gikugwa pa nyuma ya lisekwa, mūmo ubuyobelo bwaiyolo buyilile. Komma ukubomba ikyo. Inogonela Iki.

¹⁵³ Linga une ngubabulaga umwe ikindu kilikyosa iki kikāya mu Lisimbo, kangī u lufingo lwa sala iyi, umwe mukufimbilisigwa ukwāgāna nu ndongosi apa nukwisa ukumbula une ukufwana ni kyēne. Isyo kutalusya. Une—une ngumanyisya nakimo lōli iki kili mu Lisyu. Kangī linga une ngwisa kwimililaga itolo palapala pa Lisyu, kangī linga une nguyoba Ikyene kili mu njila yila, kangī Kyala. . . Ikyene kyo kili mu i Bāngéli. Linga u Gwandumi gwa Ntwa ālimbulile une ikindikimo iki kikālumo mu i Bāngéli, ikyene kikābagile ukuya Gwandumi gwa Ntwa. Uko ko kutalusya. Umwēne nasiku nakabalilo kamo akambūlāmo une kalikōsa lōli kāko kāli mu Lisyu lila, kangī umwe mukumbīkila une ubukēti. Umwene akayobāmo siku akandu kamokene, ukufuma ku bamia ba maelifu na maelifu, kangī injobelo sya nkīsu, abōmbilemo Umwēne nasiku akabalilo kamokene ayōbile kalikosa akasobi, pamo ayobīlēmo kalikosa aka kakālisīle ukuboneka.

¹⁵⁴ Pilikisya. Ndalusya u nkētesi na bala apa. Iki kyo iki umwe mwesa mukukēta apa, kyo lubafu lwabufundigwa ulwa kila. Ngimba ikyo kitalusye, bakundwe? [Aba bakundwe bikuyoba, “Kutalusya.”—Nsimbi.] Fiki, panja pala, kangī panja mbūmi bwa pamwene-pamwene, kūko Umwēne ikuyoba, “Buka kula ku buyo *ubu*, kangī kēta *iki*. Kangī *iki* kisakukwisaga ukuboneka. Kangī yoba *iki* pa bwa apa, kubwa *kuno*.” Ikyēne itolo kingikingi, akabalilo kōsa, muketile, ikyinja ukwingila ni kusōka. Abāndu nkilundilo itolo bikukēta i—i ifindu ifinini. Lōli linga ugwe kuya gwakwiyisya.

¹⁵⁵ Lilino ngimba aligwesa mu lukindi lwa lwiputo, imile apa, nhesya kwa une? Fyusya amaboko ginu linga umwe muli. Umma ndaga. Balinga kula baliko kula, bamenye ukuti une ngamanya nakimo ikya ugwe? Fyusya ikiboko kyako. Lilino akabalilo kāko. . . Ndaga. Une ndikupasya kūko ugwe uliko, linga ugwe ulimmwanya mu mesa, kunyuma kifuki ni kibūmba, pāsi ukukinda *apa*, kulikōsa ugwe uliko. Une ngubukāga uku. . .

¹⁵⁶ Lilino, iki kyo panongwa ya bununu bwīnu. Iki kyo panongwa ya bwīnōge bwīnu. Muketile, iki kyo panongwa ya bwīnōge bwīnu.

¹⁵⁷ Une ninogonaga ukuti yula āli mwisukulu gwāngu unnini ikuyoba kwa une akabalilo kāla, lōli umwēne akāli mma. Une ndinagwe u ndumiana-mwisukulu unnini muno pabuyopamo, ikilo iki, umwēne ntali bo ulu kangī une ninogonaga ukuti umwene yo Paul unnini. Umwēne akabalilo kōsa āyobaga umwēne ikwīsaga, ukwīma pa kigēmo, ukulūmbilīlila une, kangī

umwe akāya itolo kifuki fyinja fibili mbukusi. Une ngwinogona u ndumiana unnini yula ikufwima unna.

¹⁵⁸ Popāpo kumbukilāga, une ngugéla ukubatūla umwe. Une . . . Kyāla amenye ikyo. Une ngugéla ukubatūla umwe, muketile. Lilino kēta, une ngulonda umwe ukwega ubunoge, linga Umwēne ikwisa pakati pa uswe.

¹⁵⁹ Lilino inogona isya iki, u Mundu ugwa Yeso Kristi ikubomba mu mbili, bo mūmo Umwene āfingile Umwene ikubombaga mmasiku gabumalikisyo. Balinga bamenye ukuti Umwene āfingile ikyo? Itolo bo mūmo ukwēne kwāyīlile pāsi pala ku Sodomu, akabalilo kāko u Gwandúmi ni nyuma Yāke yisindīle, kangī i . . . Yula āli yo Kyāla. Ngimba ugwe kwitika ukuti yula ali yo Kyala? Balinga bikwitika yula āli yo Kyala? [“Ameni.”] Naloli, ikyene kyāli. Ili Bāngéli lyāyobīle ikyēne kyāli. Kangī Umwene, Yeso, alinkubagomokesya ku kyene. Lilino ketesya.

¹⁶⁰ Lilino umwe panja apa na makadi ga lwīpúto, une ngulōnda umwe ukubōmba ikindukimo kuli une, kulikosa umwe muliko. Lilino kumbukilāga, ifindu ifi, kētésya akabalilo kāko Ikyēne kikukubūla ugwe ukuti ugwe ubumbulusigwe, pamo iki Ikyēne kikukubūla ugwe ikyakubōmba. Kētésya iki Ikyēne kikuyoba. Linga Ikyēne itolo kikukubūla ugwe, ikyo kyo kuyenga u lwītíko lwāko. Kangī polelo akabalilo kāko u lwītíko lwāko lukufika pa buyo, ugwe fikilaga itolo nukummwitikisya Kyāla. Umwene akaya yo une, panongwa yakuti Tata Gwakumwanya amenye.

¹⁶¹ Une nguketa pāsi ku lukindi ulu, une ndinkumbona umundu yumo uyu une nummenye. Une ngabagila ukukēta lōli kifuki abāndu babili pamo batatu nkilundilo kyōsa, aba une mbamenye. Kangī une ngamanya ukuya, lululu ulu, une mbagīle ukuyoba, nāngisya yumo. Une nummenye ukuti Edmund Way āli apa amaminiti manini aga gakindīle. Une ninogona une nālimbwēne umwene, kangī une—une mbondilwe . . .

¹⁶² Linga une ngasoba, une ngumbona umundu yumo une nummenye, yo nnyāmbāla nu nkasi gwāke, kangī akalindwana akanini, ikukolelīgwa Fritzinger, ukufuma kula mu Ohio. Ngimba yula, ngimba ugwe gwe Nku-. . . *yula* Nkundwe Fritzinger? Ugwe gwitūgésye mu luko lwa mbusyungutílo ubunini kūko. . . Uyo yo Nkundwe na Kalumbu Fritzinger, ukufuma ku Ohio, abināngu ba une.

¹⁶³ Kangī panja pa ikyo, itūgésye kunyuma kula, yo u . . . une ngukēta pa lubafu lwa kubwa kuno, yo nnyāmbāla unkāngāle ikubūka ku fyinja malongo-mahano-na mana-na-fibili mbukusi, ni ngāmu ya William Dauch. Umwēne nu nkasi. Unkasi yo nāsi. William Daucj, mu Ohio, u mwīnangu gwa pamwene-fiyō gwa une. Lululu ulu, umwēne āli, ni fyinja malongo-mahano-na-mana-na-kimokyene mbukusi, āli nu konangika kwa ndumbula ukumālisya, ukukomīgwa kwa

ndumbula, kangi unkasi gwāke ālingōlīle une, ukwisa nakalinga, umwene āfwāga palapala pala. Kangi pa . . .

¹⁶⁴ Umwēne yo mwīnāngu gwa pandumbula kwa une. Pa nsebwe gwāngu ukubūka ukunkēta umwēnw, une nāpasyāga. Kangi une ndinkwīma, kangi limo mwa magurudumu gāngu lyasōkīlepo pa bubambe, une itolo natumulaga ilitayala lyāngu ntumbakasya, kangi une nabūkīle kula ku bwīmīlo bwa Texaco, ndinkubika amafuta gāmo, akgni abēne bikwisa panja, ukukēta ku lyēne. Kangi une ndinkukēta pamwanya, kangi une ndinkumbona u Nkundwe Dauch ikwenda ukwisa ukukinda mu kipanga kyāngu, ikuponia ikiboko kyāngu. Une ndinkuti, “Atufyigwege u Ntwa.” Kangi une ndinkukēte kunyuma injila iyi, kangi apa umwe ikwisa pāsi pa lukindi, kangi ikuponia ikiboko kyāngu. Une ndinkubūka ku mwēne.

¹⁶⁵ Une nālimbwene u ngānga gwāke, uNjuda unkeku, pamo unnyambala gwa kiJuda ugwabukusi-bwapakati. Kangi une ndinkuti, “Ngimba bule umwene, ngānga?”

¹⁶⁶ Alinkuti, “Umwēne akayanalo nu lusako lwakulwīla.” Alinkuti, “Umwēne ali pa kihema kya oksijini.” Alinkuti, “Umwene isakufwaga palapala itolo.” Umwene alinkuti, “Kumbukilaga, umwene ali ni fyinja malongo-mahano-namana.”

Une ndinkuti, “Ena, nkulumba.”

¹⁶⁷ Alinkuti, “Ukwene ko kutoligwa kwa ndumbula yōsa. Nakimo kibagīle ukubōmbīgwa.” Alinkuti, “Akene ko kabalilo ka kubūka.”

¹⁶⁸ Kangi une ndinkuti, “Ena, nkulumba. Loli, umma, umwene atikubūkāga mma. Ikyo kyo kyosa.”

¹⁶⁹ Une ndinkwingila, ukubūka ikiboko kyāngu pāsi pa kihema. Une ndinkuti, “Nkundwe Dauch, ngimba ugwe ubagīle ukumbilika une?” Umwene alinkukēta mmwanya kwa une. Lilino naloliloli, mu ngamu yāke, umwene yo gwa kiJeremani, D-a-u-g-h, kangi une nguyikōlēla iyēne Dauch, muketile. Kangi une—kangi une ndinkubūka ikiboko kyāngi pāsi pa kihēma, kangi une ndinkuti, “Ngimba ugwe kumbilika une, Nkundwe Dauch?”

Umwene alinkuti, “Ena.”

Une ndinkuti, “Ugwe utikubūka mma. Une ndalile ngubwene ugwe utikubūka mma.”

¹⁷⁰ Undungu ukufuma pala, imīle nkipanga kyāngu, ywani ikwisa ikwenda ukusegelela ukukinda nkipanga lōli yu Nkundwe Dauch! Une ndinkusōkapo pa lukomano nukubūka kula ku kisōko, ku bulilo, ukwākūlya. Kangi akabalilo kāko une nsōkīle ukufuma mu ligale, kangi nendaga ukufyuka u lukindi, apa ikwisa Nkundwe Dauch ni kiboko kyāke abālwīle panja. Imboniboni sila sitikutoligwa.

171 Kangi u nnyāmbala yula ugwa malongo-mahano-na-mana mbukusi, kangi ikukōngésya ulukomano lulilōsa, āli mu California. Ngimba ugwe ubagile ukufyusya ikiboko kyāko, Nkundwe Dauch? itugésye pala, ukuti abāndu bisakukētága iki unsikali gwanaloliloli ali lilino. Apa, itugésye papapa apa, muketile, ifyinja malongo-mahano-na-mana-na-kimo mbukusi, kangi ukukōngésya ulukomano lulilōsa. Akabalilo kāko une ndi ku kipanga, umwene ikwendesya amamailosi mia yumo ilisiku lililyosa, ukumbilika une ngulumbilila akabulumbilili akanini, nukugomokela. Kyala, “Ukwene kwisakuyaga Bwelu nkabalilo ka namayolo.”

172 Une ndinkuti, ilisiku limo une nayobaga ku mwene, une ndinkuti, “Ngimba une mbagile ukubomba kiliku kwa ugwe, Nkundwe Dauch?”

173 “Itolo ukusuma kumokwene, Nkundwe Branham. Akabalilo kako Umwene ikwisa, une ngulonda ukubuka nu Mwene.”

174 Ndinkuti, “Komma ukupāsya. Ikyo kyo kiponesigwe. Naloli.” Lilino, u nnyāmbála isile nkati, ālyōsigwe, o, isile mula kangi āmbilife u lōsyo lwa Mbepo Mwikemo na filifyōsa, itolo ugwambombo gwa Kristi unnoge.

175 Lilino une ngulūlusyāga aligwesa, nalilololi ukuyīndika, umwe kēta kubwa kuno kangi ipūta.

176 Lilino balinga bamanyisi apa bamenye ukuti Umwēne yo Mpūti Nkulumba, lululu ulu, uyu abagile ukupalamasigwa nu bwipilike bwa bonywa bwitu? Ena, linga Umwene yo uyoy mmayolo, umusyugu, kangi bwilanabwila, kangi u Mputi Nkulumba, Umwene abagile ukubomba injila yilayila. Itolo, Umwene, umbili Gwake guli ku . . . pa Kikota kya Kyāla. Balinga basimenye isyo? [“Ameni.”] Umbili gwa Yeso guli pa Kikota kya Kyāla. Loli Umwene ikubombela imbombo umbili gwitu ukwināngisya Mwene, itolo mūmo Umwene āfingile ukubomba. “Imbombo isi Une ngubomba mwisakubombaga umwe numwe.”

Une ngubasumāga umwe ukwitūgāsya kimyemye, yaga bāluuyīndiko, kētésya, ipūta.

177 Lilino, Tāta Gwakumwanya, une ngelile ukuya itolo gwāluuyīndiko mūmo une mmanyile akabombelo, ukufwana ni kyēne. Lilino itolo i lisyu ukufuma kwa Ugwe lilino, Ntwa, kangi polelo kaliyaga akākimyemye, a Kogo akanini kasulukege pāsi ukwisila mu kilundilo iki nukuti, “Ikyēne yo Une; komma ukutīla.” Tupaga ikyēne, Tāta. Kangi une ngwībika nimwene kwa Ugwe, ni Ndumi iyi yilūmbililígwe ikilo iki, ni Lisyu Lyāko ukuya lisisimikisigwe. Ugwe utikufimbilisigwa ukubomba ikyene. Loli linga Ugwe kubombaga ikyo, pamo Ugwe naloli kubomba ikyene, panongwa yakuti Ugwe gwāfingile. Une ngusuma ukuti Ugwe kupaga iki, mu Ngamu ya Yeso. Ameni.

178 Kangi aligwesa naloliloli nuluyīndiko, itolo naloliloli nuluyīndiko. Mubōmbile ugwe? Lilino une ngukupāga ugwe

i Lisimbo bo uswe tukubūka mula. Linga u Ntwa ikubōmba, une ngamanya. Lōli itol- . . .Kangi une ndumbilīle bo ulo, muketile, ubo bo luko lumo ulwa bupakīgwe. Ubu bo luko ulungi lwa bupakīgwe. Lula lwāli itolo lusayo. Iki, itolo ikindu kimokyēne, itolo kikwēga u būmi itolo ukufuma mwa ugwe.

¹⁷⁹ Lilino unkīkūlu imīle apa. Une ngambonamo siku mbūmi bwangu. Ngimba uswe tuli bahesya? Une ngwitika ugwe uyobīle, akabalilo kanini aka kakīndilepo, une ngākumenye ugwe. Kyala akumenye ugwe. Umwene ammenye une. Ngimba ugwe umenye ukuti iki uswe twimile apa lilino, uswe tukubūka ukufimbilisigwa ukwāmula panongwa ya ikyēne pa Lisiku lya Bulongi? [U kalumbu ikuyoba, “Ameni.”—Nsimbi.] Ugwe usimenye isyo? Ugwe umenye ukuti iki uswe tukubōmba lilino, Kyāla isakutendeka uswe ukwāmula panongwa ya kyēne kumwanya kula? Une njobile itolo ikyo panongwa yimo. Lilino, linga Untwa Yeso isakusetulaga kwa une iki ugwe kubomba, iki kili pa minogono gāko, pamo ikindukimo bo ikyo, ngimba ugwe ubagile ukwitika ikyene? Ugwe ubagile ukwitika ikyo, bule ugwe? [“Ameni.”]

¹⁸⁰ Ngimba umwe mukwitika ikyene panja apo, umwe kilundilo?

¹⁸¹ Lilino uswe tukwīma itolo katikati bo yu nkīkūlu pa kisiba, kangi u Ntwa gwītu, u nnyāmbāla nu nkīkūlu ukwāgāna ku kabalilo kābo akākāwānda. Muketile? Apa uswe tufikīle, ulukomano ku . . .Ikyo kyo Mwikemo Yohani untu gwa 4. Lilino linga u Mbepo Mwikemo ikuyobaga. . .Linga ugwe uli apa panongwa ya munduyumo uyungi, linga ugwe uli mbine, linga ikyēne kyo lutamio lwa ku kāya, linga ulwene lutamio lwahela, kilikyosa iki ikyene kili, une ngaya nayo ifundo. Loli Umwene ikubomba. Lōli Umwēne abagīle ukumanya aminogono aga gali mu ndumbula yāko. Umwēne yo Lisyu. Une ngabagīla. Une ne mūndu. Ugwe uli itolo panandi gwālutende, kangi iyo yo nongwa une ngubōmba iki, ugwe uketīle.

¹⁸² Ulo lo lumo mwa ndamio syāko, lo lutende. Uko ko kotalusya. Kangi ugwe kāngi uli ni mbungo ya sukali, ikyo kyo kindu kinine iki kitamisye na ugwe. Uko ko kotalusya. Ifufānio, itolo ifindu fīngi fitamisye. Ngimba ikyo kitalusye? Linga ikyo kyo kitalusye, fyūsya ikiboko kyāko. Muketīle? Ngimba ugwe kwitika Umwene ikubumbulusyaga ugwe? [Kalumbu, “Une ngwitika.”—Nsimbi.] Kwitika ugwe? Lilino, ulutende lwāko lutendekīgwe ukufuma ku bukusi bwāko, muketile, lōli lilino ulo lōsa lukukulekāga ugwe. Kangi une ngwitika ukuti nu lwītiko uswe tukubūkāga ku Kalvari, ukuya nu kusāmīsyā i Lilopa.

¹⁸³ Lilino, ikyo kyo katikati itolo iki Umwene ābombīle. Umwene ālimbulilē unkikulu ku kisiba iki ulutamio lwāke lwāli. Abāke bo bāli banyāmbala bingi fiyo. Ikyāko kyāli fiki. . .Une ngwinogona kyāli lutende, kangi fibili pamo findu

fitatu ukongeleláo fitamisyé na ugwe. Uko ko kotalusya, buli mukámomumo? Ikyo kyo kindu kilakila.

¹⁸⁴ Lilino, akabalilo kako Umwene álisíle kwa Simoni, Umwene alinkumbula umwene uyu umwēne áli. Ugwe kwitika Kyala abagíle ukumbula une iki ingamu yáko yili? Ngimba ikyene kikukupela ugwe ukwitika ukongeleláo? Ikyene kikubómbága? Nka. Strong...[Kalumbu ikuyoba, “Stout.”—Nsimbi.] Stout, ngimba ugwe kwitikága? Búkága nukwitika kangí ugwe... Ikyēne kimalike mōsa. Ameni.

¹⁸⁵ Isaga. Ugwe kwitika? Une ndinhesya kwa umwe. Une ngakumanya ugwe. Kyala akumenye ugwe. Ngimba ugwe kwitika ukuti Umwene abagile ukusetula ku myangu iki lo lutamio lwáko? Kangi linga Umwene ikubómba, polelo u Ntwa Kyala asayigwége. Ngimba isyo syabwanaloli? [Kalumbu, “Ena, ikyene kyo kyabwanaloli.”—Nsimbi.] Lilino komma—komma ukuya nukupāsya, uketíle, uyu—uyu yo Mwēne, ukuti ugwe kwipilika ikyo. Umma ndaga. Ugwe kukubílwa kangi na kayílo kalutende, gwalutende mmulinogono, kangi ukuya nswanyuligwe mōsa nakalinga. Kangi ugwe kukibílwa nu lutamio lwa kayongo ikindikimo kitamisyé ni kínie, kangi ugwe uli nsitalilópa. Uko ko kotalusya. Ugwe uli nakyó ikindikimo... .

¹⁸⁶ Ukwene kukumilisya ukuya nnyambala uyungi. Ngimba ugwe kwitika ukuti Kyala ikubumbulusyaga ugwe? [Kalumbu, “Ena, une ngampanya.”—Nsimbi.] Ukubūmbulusya undumego, yópe, ukumpela umwēne ukuya kanunu? Ugwe kwinogona ulutamio lwa mūnda lwisakukulekága, kangi umwene isakuyaga kanunu? Ikyo kyo iki umwene ikukubílwa nakyó. Būka kabíke amaboko gáko pa mwene, mbūla umwēne lúlo, kangi ikyēne kisa—ikyēne kisa kundéka umwēne.

¹⁸⁷ Une ndi nhesya kwa ugwe. U Ntwa Yeso amenye uswe babili, ngimba Umwene ikubombaga? Ngimba ugwe kwitika ukuti Kyala abagile ukupela ugwe uyege kanunu? Linga Untwa Yeso isakusetulaga kwa une ikindu iki kyo...iki ugwe gwe...ikyó kili mundumbula yako, ngimba ugwe kwitika ukuti Umwene ikukupelaga ugwe uyege kanunu? Ugwe ufumile pakuya nu lutamio lumo. Ugwe uli nu—nu—nu lutamio lwa kayongo, kuli kindu kyákwánda. Kangi ikindu ikíngi, ikyēne kipelíle akayongo káko ukuya nifilónda, lóli kyo iki u ngānga gwáko áyobíle. Lilino, ikindu ikíngi kyo, ukuti abēne bikulónda ukupanja panongwa ya ikyo. Uko ko katikati kotalusya. Ngimba ikyo kikaya kyābwanalóli? Lilino ngimba ugwe kwitika Umwēne abagíle ukukilania ikyo? Ugwe kwinogona u lwítiko lwáko luli mwa Umwēne? Lilino ugwe umenye ukuti une nganya une ikubómba ikyo. Ugwe kwitika? Umma ndaga. Būka, kangi mūmo ugwe gwitikíle, momūmo kiyége ikyēne kwa ugwe.

188 Uswe tuli bahesya yumo kunnine, une ngusakikisya. Untwa Kyala amenye uswe twesa babili. Ngimba ugwe kwitika Umwene abagile ukusetula ku myangu iki kibagile ukukutūla ugwe? [Kalumbu ikuyoba, “Ena, une mmenye ikylene.”—Nsimbi.] Ugwe, ugwe kwitika Umwene ikubombága. [“Sisimikísye.”] Une ngūti . . . “Sisimikísye,” ikyo kyo kinunu fiyo. Ikyo kinoge fiyo. Lilino ugwe uli ni findu fingi fiyo fitamisye na ugwe, ifufanio sīnyingi fiyo ni findu, kangi ukukosomola ngati, kangi ugwe ukabagīla ukusókámo mu kwēne. Kangi ugwe naloliloli gwe gwalutende. Kangi—kangi ikyo, ikyo ko kutalusya.

189 Polelo, ugwe uli nu busito pa ndumbula yāko, kangi ubusito ubo bo bwa munduyumo, uyu yo mwanundumiana gwāko. Kangi umwēne ali nu—nu lutamio, ulutamio lwa ku kāya. Umwene nu nkasi gwake, abene akabalilo kosa ukūmana nukukindilila . . .? . . . Kangi ugwe uli nako ubusito ikylene. Uko ko kutalusya. Lilino ugwe kwitika ni ndumbula yāko yōsa, kangi ikyēne kisakuswepukága mōsa nukusókápo. Ugwe kwitika lilino. U Ntwa akusaye ugwe.

190 Ngimba ugwe ubombīle, nkulumba? Une ndi nhesya kwa ugwe, kangi—kangi ugwe gwe nhesya kwa une. Kangi ikylene kyo—ikylene kyo kikwanda . . . Imboniboni lilino, une ngukēta, kikuboneka ngati inyuma yōsa yikwēlúka itolo, ngati luko lwa kafulafuma-ngati ukusyūngutūla. Uketile? Loli ngimba ugwe kwitika ukuti u Ntwa Yeso isakusetulaga kwa une iki ugwe gwīmīle apo? Ugwe kwitika ukuti Umwene ikubombaga? Une ngwitika ikyo, nīne. Une nguyoba itolo kwa ugwe, ukulunganisania i mbepo yāko, katikati kyo iki une ngubōmbela ikylene. Muketile, une ngakumanya ugwe, polelo ikylene kyo kindukimo ikingi palubafu pa une. Une ngufimbilisígwa ukwīyēga nimwene itolo fiyo ukwisōsyápo ukumalīsyā ukufuma kwa nimwene, ukuti Umwēne abōmbe ikyēne Mwēne. Ugwe kupilikisya?

191 Lilino, ikindu kimokyēne, ugwe kukubilwa na kayīlo akabībi ka bwitūgásye bwa lutende, kangi akayīlo ka lutende aka kalimo ku kabalilo kamo. Uko ko kutalusya. Kangi akayīlo ka lutende aka katēndike ugwe ukuya nu kukūya kwa lilopa ukwapamwanya, kōpe. Kangi ugwe gwāli nu kusililika. Ikyo kyo ikyēne. Tuyobe, ugwe pamo gwāli ndumbilili, pamo uli ndumbilili. Lilino ugwe uli ndumbilili; une nguketa ugwe kwīma pa kigemo. Polelo, yaga nu lwītíko mwa Kyāla, kangi u lutēnde lula lwisakukulekaga ugwe. Abalumbilili bōsa balinakyo ikyo. Ugwe kwisakuyaga kanunu mōsa. Gomokéla ku kigemo kyāko, kangi mpilikila Kyāla nukwitugasya gwābwanaloli ku Lisyu lila, Yeso Kristi.

192 Ugwe kwitika ulutamio lwāko lwa nyuma lwākulekīle ugwe, gwitūgésye nkikota? Ngimba ugwe kwitika ikyēne? [U kalumbu ikuyoba, “Ena.”—Nsimbi.] Umma ndaga, nkulumba, polelo kindililága itolo, kuyoba, “Ndaga Ugwe, Ntwa.”

193 Isaga, nkikulu. Ngimba ugwe kwitika? Ugwe kunyitika une ukuya ntumigwa gwa Kyala? [Kalumbu ikuyoba, “Naloliloli ngubomba.”—Nsimbi.] Umma ndaga. Ngimba ugwe kwitika ulutamio lwa bakikulu lula, ulutamio lwa bukikúlu, lo lukukulekága ugwe? [“Ameni.”] Ugwe kwitika? Polelo kindililaga, yobaga, “Ndaga Ugwe, Ntwa.”

194 Ulutamio lwa lufigo, ulutamio lwa nyuma, ku nyuma yāko. Ngimba ugwe kwitika ukuti Kyala ikukubumbulusyaga ugwe nukukupela ugwe ukuya kanunu, ukufuma ku ikyo? Ugwe kwitika ukuti Umwene ikukupelaga ugwe uyege kanunu? Syosa silikanunu, ega nkyeni mwako . . . ? . . .

195 Isaga, nkikúlu. Une ndi nhesya kwa ugwe. Linga une ngāyobile nakimo kwa ugwe, na panandi, ngimba ugwe ubagile ukwitika ukuti u Kuyapo kwa Kyala kuli apa ikubumbulusya ababíne? [Kalumbu ikuyoba, “Naloliloli, une ngwitika ikyene.”—Nsimbi.] Ugwe ubagile? Ena, linga ugwe kubomba, ulutamio lwako lwa munda . . . Une mmalíle ngubúlíle ugwe, ugwe uketile. Ikyene kyo—ikyene kibukile. Une ngubulile ugwe, muketile.

196 Ngima ubōmbíle ugwe, nkulumba? Kyāla ikwitugasya mu ndumbula. Kangi i ndumbula yāko yināngisyága pamwanya apa lululu ulu, nnyali. Ngimba ugwe kwitika ukuti Umwene isakupelaga ikyene ukuya kanunu? Kindililaga kangi itikaga ikyene. Kyala akusaye ugwe. Ugwe kwitika; Umwene isakupelaga iyene ukuya kanunu.

197 Ugwe uli nulutēnde, yikupelíle ugwe ukuya nu lutamio lwa munda, ikilōnda kya māla. Ikyēne kikukutamio ugwe ukufuma pa kulya. Ugwe kwitika ikyēne kisōkílémó kyōsa lilino? Būka kiyégéle gwimwene ikindukimo ikya kulya.

198 Luko lwa bukafu kuli ugwe ukusumuka, inyuma yikukuyamia ugwe mbubibi fiyo. [U mbine ikuyoba, “Ena, nkulumba.”—Nsimbi.] Iyēne yitikukutamiaga ugwe kangi mma, linga ugwe kwitikaga ikyēne. Ngimba ugwe kubombaga? [“Ena, nkulumba.”] Fyosa filikanunu, kindililaga, kangi u Ntwa Yeso ikukubombelaimbombo ugwe.

199 Ngimba ugwe gwe gwalutēnde fiyo fiki? Itolo kindililága, yobaga, “Une ndikuyaga gwālutēnde kangi mma,” kangi ugwe utisakuya. Būkága nukwítika. Umma ndaga, nkulumba.

200 Lilino, nkikulu. Lilino, unkikúlu gwa kiItiopia, kangi unkikúlu umwelu, itolo katikati ngati ikindukimo ngati ikyo kyālyágéme mulisiku lila, Yeso. Abēne bāli nukwipagulania mūmo abēne bālīsibíle ukuya nakyo Kwitongo, lōli uswe tukaya nakyo ikyēne kangi mma. Yeso abātendíke abēne bamanye ukuti abāndu bōsa bāli bāndu ba Kyāla. Kukālípó ukukindana nakumo, muketile, kali umwēne āli n’Juda pamo m’Samaria.

201 Lilino, linga Kyāla atikukutúla ugwe, nakalinga lululu ukutupa kwa fifupa kula kwisakukulemasyaga ugwe mōsa. Ngimba ugwe kwítika Umwēne ikukutúlaga ugwe, ukupela


ugwe uyege kanunu? Itolo bo yu nkikúlu ābōmbíle, būka pa nsebwe gwāko kangi bābúla abāndu bāko ikindu ikikulumba kiliku iki Kyāla akubōmbíle ugwe. Umma ndaga.

Lilino, alipo umpanji itendekísye ukusōsya panja ikimāge.

²⁰² Itolo pa kabalilo. Ikyēne kikāli nkikúlu uyu mma. Lilino, akabalilo kanandi itolo, aligwesa nuluyindiko lilino. Ngimba yo—yo Setano, ikugela ukubomba ikindukimo. Apa ikylene kili. Lyulu lya kansa, lyūlu lya kansa, babili-mwesa ba umwe. Uko ko kutalusya. Ugwe uli ni lyulu lwa kansa, umwene ali ni lyūlu lya kansa, kangi u mōhesi uyu ikuywega ikukōléla ku butuli ukufuma kimo ku kinine. Lōli Mbepo Mwīkemo ikuywega, yópe. Ywani ugwe kumwitikāga, Umwene? Umma ndaga. Sumuka ukufuma nkatala ako, nkikúla. Sumuka ukufuma pa kitala ikyo. Sokámo ukufuma mu ikyo. Būkāga, itika Umwēne lilino. Ameni.

²⁰³ Ngimba umwe mukwitika? Fyosa ifindu fibagile. Ngimba umwe mukwitika? Ngimba bule umwe mu kilundilo?

²⁰⁴ Unko uswe twīme pa malundi gitu lilino. Lululu ulu ko kabalilo ukubomba ikylene. Unko umundu aligwesa. . . Kyala akusaye ugwe. Unko umundu aligwesa pa malundi gako itolo lilino. Mpaga Kyala ulutufyo. Fyusya amaboko ginu.

²⁰⁵ Ndaga Ugwe, Ntwa Yeso! Uswe tukukutufya Ugwe panongwa ya bukulumba Bwāko, kangi ukubūmbulúsya Kwāko kwa babine. 

U BUKÉTI PA SŪMBI KYA64-0307

(A Testimony On The Sea)

Ubulumbilili ubu butwaligwe nu Nkundwe William Marrion Branham, ubu pakwanda bwatwaligwe nki Ngereza pa Mpyaagilo namayolo, Mariki 7, 1964, ku Tempeli ya Soul's Harbor mu Dallas, Texas, U.S.A., bwegigwe pa busimbe bwa tepi ya magneto kangi busimbigwe kisitakutumula mu ki Ngereza. Ukusimba ukwa mu Kyangonde ubu bwasanusigwe nu kuyabanisigwa na ba Voice of God Recordings.

KYANGONDE

©2022 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Ukusasania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org